

「咸淳」臨安志

二十四

咸淳臨安志卷之六十二

人物三

列傳



宋本影鈔抄本

全

此係臨安志卷之六十二

其館光卧不起帝即其卧所撫光腹曰咄咄子
 陵不可相助為理耶光卧而不應良久乃張目
 熟視曰昔唐堯著德巢父洗耳士故有志何相
 迫乎帝曰子陵我竟不能下汝耶升輿嘆息而
 去引入論舊故相對累日帝從容問曰朕
 昔時對曰陛下差增于往曰共偃卧足加帝腹
 明日太史奏客星犯帝座帝笑曰朕故人嚴子
 陵共卧耳拜諫議大夫不屈乃耕于富春山建
 武十七年再召不至年八十終于家詔賜錢百

萬穀千斛

以後漢書本傳三國志虞翻傳注修
按本傳注富春山今杭州富陽縣然

知不足齋鮑氏補鈔

傳稱後人指其釣處為嚴陵濼者今已入桐廬
據沈約宋書吳分富春為桐廬則桐廬乃富春
舊境也又太平寰宇記云赤亭里嚴子陵釣于
此有臺基存又 皇朝郡縣志云赤松山在縣
東七里亦曰赤亭山嚴子陵釣于此如此則七
里濼雖入桐廬赤亭山自屬富春今富春正自
有子陵
釣處

諸葛琮

餘杭人有賢德後漢為河間太守居斷山

葵山旁

本祥符舊志
餘杭縣有廟

孫鍾

富春人性至孝種瓜為業人陽平山所謂瓜田

者是也嘗有三少年詣鍾獻瓜謂曰予司命也

咸淳臨安志卷六十二

二

以君孝感于天故來耳遂指山曰此堪為墓鍾

志之及卒葬焉

或云有二仙
人示其葬地

坟上常有紫雲曼

延數里人謂孫氏其興矣鍾即堅之先也

以太
平寰

字記 皇朝郡縣志修舊志謂鍾卒子堅葬鍾
于穴按三國志孫堅傳不稱父名寰宇記謂堅
所居其祖種瓜郡縣志謂堅
其元孫鍾則舊志稱子者非

孫堅

字文臺容貌不凡濶達好奇節少為縣吏與父

共載至錢塘追斬海賊顯聞府召為假尉會稽

妖賊許昌起句章堅以郡司馬募精勇与州郡

合破之時熹平元年也黃巾賊起漢遣皇甫嵩

朱雋討之雋表堅為佐軍司馬大破之拜別部
司馬邊章韓遂作亂董卓拒討無功中平三年
張溫西討表堅參軍事堅語溫以卓三罪宜陳
軍法如穰苴斬莊賈魏絳戮揚干溫不忍發章
遂降軍回議者聞堅勸溫斬卓無不嘆息拜議
郎長沙賊區星萬餘人攻圍城邑了以堅長沙
太守旬月克破星等封烏程侯靈帝崩卓擅朝
政諸郡興義兵討卓堅亦舉兵袁術表堅行破
虜將軍領豫州刺史進軍合戰陽人大破卓軍
梟其都督華雄等卓憚堅猛壯遣李傕等求和

咸陽臨安志卷六十二

三

親堅曰卓逆天無道蕩覆王室今不夷汝三族
則吾死不瞑目進軍大谷卓徙都入關焚燒雒
邑堅乃入雒修諸陵平塞卓所發掘初平二年

岑本張
記及吳歷

術使堅擊劉表遣黃祖戰堅破之

追祖為祖軍士所射卒年三子七子策權翊康
陳壽評曰堅勇勢剛毅道溫戮卓山陵杜塞

有忠壯之烈

以三國志本
傳及通鑑脩

孫策

字伯符初堅苗家壽春策十餘歲已交結知名
周瑜自舒來造勸徙舒江淮間人咸向之堅卒

策年十七乃渡江居江都策舅吳景為丹陽太守載策母徙曲阿召募得數百人興平元年策到壽春見袁術；以堅餘兵還策太傅馬日磾安集關東以禮辟策表拜懷義校尉術大將皆傾心焉術常嘆曰使術有子如孫郎死復何恨策說術乞助景等平定江東許之將兵千餘人行收兵比至歷陽衆五六千渡江轉聞所向皆破莫敢當其鋒軍令整肅百姓懷之策為人美姿顏好笑語濶達聽受用人士民見者莫不盡心樂為致死威震江東策引兵渡浙據會稽更

置長吏策自領會稽太守袁術僭號策以書絕之曹操表策為討逆將軍封吳侯建安五年操與袁紹相拒官渡策欲襲許迎漢帝密治兵未發為故吳郡太守許貢客所擊傷召張昭等謂曰中國方亂以吳越之衆三江之固足以成敗善相吾弟呼權佩以印綬謂曰舉江東之衆決機兩陳之間與天下爭衡卿不如我舉賢任能各盡其心以保江東我不如卿卒年二十六權繼襲後建國為吳傅亮休皓凡四世云陳壽評曰策英氣傑濟猛銳冠世覽竒取異志

陵中夏

以三國志本傳及通鑑修

孫瑜

字仲異父靜字幼臺堅季弟也靜戀坟墓宗族不樂出身終于家五子嵩瑜皎與謙瑜始以恭義校尉領兵時賓客諸將多江西人瑜虛心綏撫得其歡心建安九年領丹陽太守為衆

至萬餘人加綏遠將軍遷奮威將軍領郡如故自溧陽陟屯牛渚瑜以永安人饒助為襄安長無錫人顏達為居巢長使二府將吏子弟數百人就受業遂立學官臨饗講肄是時諸將皆以

咸江臨安志卷六十二

五

軍務為事而瑜好樂墳典雖在軍旅誦教不絕

建安二十年卒

以三國志本傳修

孫皎

字叔明始拜護軍校尉領衆二千餘人是時曹公數出濡須皎每赴拒號為精銳遷都護虜將軍代程普督夏口黃蓋及兄瑜卒又并其軍賜沙羨雲杜南新市竟陵為奉邑自置長吏輕財能施善與交結與葛諸瑾至厚委廬江劉靖以得失江夏李允以衆事廣陵吳碩河南張梁以年旅而傾心親待莫不自盡皎嘗遣兵候獲

魏邊將吏妻女以進皎；更其衣服送還之下
令曰今所誅者曹氏其百姓何罪自今以往不
得擊其老弱由是江淮間多歸附者建安二十
四年卒

以三國志
本傳修

孫賁

字伯陽父羗字聖壹堅同產兄也賁早失
弟輔嬰孩賁自贍育友愛甚篤為郡督郵守長
堅于長沙舉義兵賁去吏從征伐堅薨賁帥餘
衆扶柩後袁術徙壽春賁又依之術遣賁攻破
周昂於陰陵表賁領豫州刺史轉丹陽都尉行

咸陽臨安志卷之二

六

征虜將軍討平山越為揚州刺史劉繇所迫逐
因將士衆還住歷陽頃之術復使賁與吳景共
擊樊能張英等策東渡助賁景破英能等進擊
繇；走豫章策遣賁景報術值術僭號除賁九
江太守賁不就還江南賁與策征廬江太守劉
勳江夏太守黃祖軍回聞繇病死過定豫章上
賁領太守後封都亭侯建安十三年使者劉隱
奉詔拜賁為征虜將軍領郡如故在官十一年

卒

以三國志
本傳修

吳景

本吳人徙錢塘早失父母與姊同居姊與孫堅為婚景常隨堅征伐有功拜騎都尉袁術上景領丹楊太守討故太守周昕遂據其郡孫策與孫河呂範依景合景共討涇縣山賊祖郎敗走會景為劉繇所迫復北依術以為督軍中即將與孫賁共討樊能于麋於橫江又擊融薛禮于秣陵時策被創牛渚降賊復反景攻討盡禽之從討劉繇奔豫章策遣景賁到壽春報術術方與劉備爭徐州以景為廣陵太守術後僭號策以書喻術不納便絕江津不與通使人

咸陽臨安志卷六二

七

告景：即委郡東歸策復以景為丹陽太守漢遣議郎王誦術命南行表景為揚武將軍領郡如故建安八年景卒官子奮祺奮授兵為將封

新亭侯祺封都亭侯

以三國志孫破虜吳夫人傳修

徐琨

富春人孫堅之甥少仕州郡漢末擾亂去吏隨堅征伐有功拜偏將軍堅薨隨孫策討樊能于麋等於橫江擊張英于當利口破英擊走笮融劉繇事定策表琨領丹陽太守會吳景委廣陵來東復為丹陽守琨以督軍中即將領兵從破

廬江太守李術封廣德侯遷平虜將軍後從討黃祖中流矢卒子矯嗣侯討平山越拜偏將軍卒弟祚襲封亦以戰功至蕪湖督平魏將軍

國志吳主權徐夫人傳修

張儼

後漢末餘杭人好學有賢德不樂榮利嘗開圃種瓠以所貿錢造橋俗謂之葫蘆橋

風以餘杭土記及淳熙餘杭圖經修

吳

孫奭

咸淳臨安志卷六十三

八

字季明兄皎既卒代統其衆領江夏太守在事一年遵皎舊巡禮劉靖李允吳碩張梁及江夏閭舉等並納其善奭訥於造次而敏于當官軍民稱之黃武五年權攻石陽奭以地主使所部將軍鮮于丹帥五千人先斷淮道自帥吳碩張梁五千人為軍前鋒降高城得三將大軍引回詔使在前任駕過其軍見奭軍陣整齊權嘆曰吾初憂其遲鈍今治軍諸將少能及者吾無憂矣拜揚威將軍封沙羨侯奭亦愛樂儒生復命部曲子弟就業後仕進朝廷者數十人

以三國志本傳

修

孫韶

字公禮年十七收伯父河餘衆繕治京城起樓櫓修器備以禦敵權試攻驚之兵皆乘城傳檄備警謹聲動地頗射外人權使曉喻乃止明日見韶甚器之即拜承烈校尉統河部曲後為廣陵太守權稱尊號為鎮北將軍韶為邊將數十年善養士卒得其死力常以警疆場遠斥候為務先知動靜而為之備故鮮有負敗青徐汝沛頗來歸附淮南濱江屯候皆撤兵遠徙徐泗江

咸陽臨安志卷六十一

九

淮之地不居者各數百里自權西征都武昌韶不進見者十餘年權返建業乃得朝覲權問青徐居屯要害遠近人馬衆寡魏將帥姓名畫具識之所聞咸對身長八尺儀貌都雅權歡悅曰吾久不見公禮不圖進益乃爾加領幽州假

節赤烏四年卒

以三國志本傳修

孫隣

字公達賁之子也九歲代領豫章封都鄉侯雅性精敏幼有令譽在郡垂二十年討平叛賦政績修理召至武昌為統帳督潘濬掌荊州事嘗

與重安長陳留舒燮相失燮有罪欲致之法論者多為言濬猶不釋隣謂濬曰舒伯膺兄弟爭

死海內義之

伯膺親友為人所殺仲膺為報怨事覺兄弟爭死皆得免

仲膺

又有奉國舊意今君殺其子弟若天下一統中

州士人必問仲膺繼嗣荅者云潘承明殺燮于

事何如濬意即解燮用得濟鄰遷夏口沔威

遠將軍所居任職赤烏十二年卒

以三國志孫賁傳修

孫亘

字叔武河之子也儀容端正器懷聰徹博學強

記能論議應對權常為稱宗室顏淵年二十五

咸淳臨安志卷六十二

十

拜安東中郎將與陸遜共拒劉備亘投刀奮命

與遜戮力備遂敗以功拜建武將軍封丹徒侯

以三國志本傳修

郭成

字元禮夙著義節漢末群競雄逐遂乘扁舟泛

五湖遊滄江探幽逐勝書劍自娛至吳黃武三

年拜武義校尉五年遷黃門侍郎黃龍元年封

永興富春二縣侯食邑五千戶卒葬富春樟岩

其後枝葉蕃茂英髦俊選不可勝紀

以唐咸通六年所建

富郭侯廟碑修

凌統

字公績餘杭人父操有膽氣孫策初興每從征伐常冠軍履鋒守永平長平治山越姦猾斂手遷破賊校尉及權統事從討江夏入夏口先登破其前鋒輕舟獨進中流矢死統年十五左右多稱述者權亦以操死國事拜統別部司

破賊都尉使攝父兵權征江夏統為前鋒與所厚健兒數十人共乘一舟常去大兵數十里行入右江斬黃祖將張碩盡獲船人還以白權引軍兼道水陸並集時呂蒙敗其水軍而統先搏

風江臨安志卷六十一

十一

其城于是大獲權以統為承烈都尉與周瑜等拒破曹公于烏林遂攻曹仁遷為校尉雖在軍旅親賢接士輕財重義有國士之風從征合肥為右部督時權撤軍前部已發魏將張遼等奄至津北權使追還前兵去遠勢不相及統率親近三百人陷圍扶扞權出敵已毀橋之屬者兩版權策馬驅馳統復還戰左右盡死身被創所殺數十人度權已免乃還橋敗路絕統被甲潛行權既御舡見之驚喜統痛親近無反者悲不自勝權引袂拭之謂曰公績亡者已矣苟

使卿在何患無人拜偏將軍倍給本兵時有薦同郡盛暹于權者以為梗概大節有過于統權曰且令如統足矣後召暹夜至時統已卧聞之攝衣出門執其手以入其愛善不害如此統以山中人尚多壯悍可以威恩誘也權令占且討之命勅屬城凡統所求皆先給後聞統素愛士亦慕焉得精兵萬餘人過本縣步入寺門見長吏恭敬盡礼親舊故人恩意益隆病卒時年四十九權聞之哀不能自止減膳流涕使張承為作銘誄二子烈封年各數歲權內養于宮

咸寧臨安志卷六十二

十三

爰待與諸子同賓客進見呼示之曰此吾虎子也及八九歲令葛光教之讀書十日一乘令馬

追錄統功封亭侯

以三國志本傳修

全琮

字子璜錢唐人父柔漢靈帝時舉孝廉補尚書郎右丞董卓之亂棄官歸州辟別駕從事言書就拜會稽東部都尉孫策到吳柔舉兵先附策表柔為丹陽都尉孫權為車騎將軍以柔為長史欠徙桂陽太守柔嘗使琮齎米數千斛到吳市易琮皆散用空舡而返柔大怒琮頓首曰所市

非急而士大夫有倒垂之患故振贍不及御舊名報

柔更奇之時中州士人避亂而南依琮者以百

數琮傾家給濟與共有無遂顯名遠近後權以

為奮威校尉授兵數千人使討山越因開幕召

得精兵萬餘人出屯牛渚稍遷偏將軍建安二

十四年關羽圍樊襄陽琮上疏陳羽可討時

已議襲之恐事泄寢不答及禽羽謂琮曰今日

之捷亦君之功也於是封陽華亭侯黃武元年

魏舟軍大出洞口權使呂範督諸將拒之敵數

以輕舡鈐擊琮常帶甲仗兵仗伺候敵數千人出

咸淳臨安志卷六十二

十三

江中琮擊破之梟其將軍尹廬遷琮綏南將軍

進封錢唐侯四年假節領九江太守七年丹陽

吳會山民為寇後攻屬縣權分三郡險地為東

安郡琮領太守琮時治富春明賞罰招誘降附數年

中得萬餘人權召琮逆牛渚罷東安郡黃龍元

年遷衛將軍左護軍徐州牧尚公主嘉禾二年

督騎五萬征六安六安民皆散走諸將欲捕之

琮曰分兵捕民得失相半縱有所獲猶不足以

弱敵如或邂逅虧損非小琮不敢徼功以負國

也赤烏九年遷右大將軍師為人恭順善于承

顏納規未嘗切近初權將圍珠崖及夷州琮曰
殊方異域隔絕障水海土氣毒兵入民出必生
疾病轉相汚染往者惧不反所獲何可多致猥
虧江岸之兵以冀萬一之利權不聽軍行徑歲
疾疫死者十八九權深悔之琮既親重宗族子
弟並蒙寵貴賜累千金然猶謙虛接士貌無驕
色十一年卒

以三國志本傳修

褚泰

仕吳封錢唐臨平侯褚氏遂為錢唐郡姓歷六
朝至唐代有顯人皆其後裔云

以元和姓纂太平寰宇記淳祐

咸淳臨安志卷六十二

十四

志修

諸葛起

字岑仕吳為步兵校尉宗族蕃盛世居山旁因

號岑山

以餘杭土風記淳祐志修

丁諤

錢唐人出于孤家顧邵拔而友之為立聲譽揚
其善以並陸全之列仕至典軍中郎世以邵為

知人

以三國志顧邵步騭傳修

咸淳臨安志卷之六十二

三月廿四校

咸淳臨安志卷之六十三

人物四

列傳

晉

孫拯

字顯世富春人能屬文仕吳為黃門郎孫

侍臣多得罪惟拯與顧榮以智全吳平後為琢

令有稱績陸機既為孟玖等所誣收拯拷掠兩

踈骨見終不變辭門生費慈宰意二人詣獄明

拯，譬遣之曰吾義不可誣枉知故鄉何宜復

咸淳臨安志卷六十三

尔二人曰僕亦安可負君拯遂死獄中而慈意

亦死

以晉書陸機傳修乾道志淳祐志並以

拯係吳然拯後既仕晉以死明陸機之誣
其名始著則
當係之晉

孫惠

字德施富陽人吳豫章太守賁曾孫也惠學

有才識州辟不就永寧初赴齊王景義討趙王

倫以功封晉興縣侯辟大司馬戶曹掾轉東曹

屬齊王驕矜僭侈惠諷以五難四不可不納惠

辭疾去成都王穎引惠為大將軍參軍領奮威

將軍白沙督是時穎將征長沙王乂以陸機為

前鋒都督惠與機鄉里憂其致禍勸機遜都督
於王粹及機兄弟被戮惠甚傷恨之永興元年
乘輿幸鄴東海王越舉兵下邳惠乃跪稱南岳
逸士秦祕之以書干越勉以勤王康世之畧辭
義甚美越省書榜求其人以為記室參軍專管
文疏預參謀議除散騎郎太子中庶子復調補
司空從事中郎越誅周穆等夜召參軍王廙造
表廙戰懼壞數紙不成昔惠在不越嘆曰孫中
郎在表久就矣越遷太傅以惠為軍諮祭酒數
諮訪得失每造書檄越或驛馬催之應命立成

咸淳臨安志卷六十三

二

皆有文采除秘書監不拜轉彭城内史廣陵相
遷廣武將軍安豐内史以迎大駕之功封臨湘
縣公卒惠文翰凡數十首

以三國志孫資傳
注及晉書本傳修

孫晷

字文度富春人吳伏波將軍秀之曾孫也

兒童未嘗被呵怒頽榮見而稱之謂其外祖薛
兼曰此兒神用清審志氣正立非常童也及長
恭孝清約學識有理義每獨處幽闇之中容止
瞻望未嘗傾邪雖侯家豐厚而晷嘗布衣蔬食
躬親壅卧誦詠不廢欣然獨得父母愍其如此

欲加優饒而夙興夜寐無暫懈也父母起居嘗饌雖諸兄親饋而晷不離左右富春道動經江川父難于風波每行乘籃輿晷躬自扶持所係之處則于門外木下藩屏之間隱息初不令主人知之兄嘗篤疾經年晷躬自扶持藥石甘苦必經心目跋涉山水祈求懇至而聞人之善欣若有得聞人之惡慘若有失見人饑寒並周贍之鄉里贈遺一無所受親故有窮老者教人常往來告索人多厭慢之而晷見之欣敬逾甚寒則與同衾食則與同噐或解衣推被以卹之時

年飢穀貴有生刈其稻者晷見而避之須去而出既而自刈送去之鄉隣感愧莫復侵犯司空何充為揚州檄晷為主簿司徒蔡謨辟為掾屬並不就尚書張國明州土之望表薦公車特召會卒昔年三十八朝野嗟痛之

以晉書本傳修

范平

字子安錢唐人其先銍侯馥避王莽之亂適吳因家焉平研覽墳素遍該百氏姚信賀邵之徒皆從受業吳時舉茂才累遷臨海太守政有異能孫皓初謝病還家吳平太康中頻召不起年

六十九卒有詔追加謚號曰文正先生賀循勒碑紀其德行三子爽咸泉並以儒學至大官泉子蔚閔内侯家世學好有書七千餘卷遠近來讀者常百餘人蔚為辨衣食蔚子文才亦損知

名 以晉書本傳修

褚陶

字季雅錢唐人弱不好弄少而聰慧清閑淡默以墳典自娛年十三作鷗鳥水磴二賦見者竒之陶嘗謂所親曰聖賢備在黃卷中捨此何求州郡辟不就吳平召補尚書郎張華見之謂陸

咸淳臨安志卷六十三

四

機曰君兄弟雲躍龍津碩彥先鳳鳴朝陽謂東南之寶已盡不意復生褚生機曰公但未覩不鳴不躍者耳華曰故知延門之德不孤川嶽之寶不匱矣遷九真太守轉中尉年五十五卒

以晉書本傳修

暨遜

字茂言餘杭人仕晉為廣昌長封閔内侯以孝行著聞咸康五年旌表門閭有碑在餘杭縣西

以淳祐志修

宋

卜天與

餘杭人父名祖宋武帝聞其幹力召補隊主從
 征伐封關中侯歷二縣令天與善射容貌嚴毅
 文帝使教皇子射元嘉中為廣威將軍領左細
 仗元凶劬之變倉卒舊將羅訓徐牢皆望風屈
 謝天與不暇被甲執刀持弓疾呼左右出戰徐
 牢曰殿下入汝欲何為天與罵曰只汝是賊手
 謝劬于東堂幾中逆徒擊之臂斷乃見殺孝武
 即位贈龍驤將軍益州刺史謚曰壯侯子伯宗
 殿中將軍明帝泰始初擊南賊于赭圻戰沒次

咸淳臨安志卷六十三

五

子伯興官至南平昌太守直閣領細伏隊主昇

明元年與袁粲同謀死

以南史本傳修

吳喜

臨安人本名喜公太宗減為喜少知書領軍將
 軍沈演之使寫起居注所寫既畢閣誦畧

口演之嘗作邈表未奏失本喜經一見即寫無
 所漏脫演之甚知之因此涉獵史漢頗見古今
 沈慶之征蠻啟太祖請喜自隨使命未來為世
 祖所知賞世祖以喜為主書稍見親遇擢為諸
 王學官令左右尚方令河東太守殿中御史大

明中黥歙二縣有亡命數千人攻破縣邑殺害官長豫章王子尚領精甲三千討伐再往失利世祖遣喜將數十人至二縣誘說群賊：即日歸降太宗初即位四方反叛東兵尤急喜請得精兵二百致死于東上大悅即簡羽林勇士配之議者以喜刀筆主者不為將不可遣中書舍人巢尚之曰喜昔隨沈慶之屢經軍旅性既勇決又習戰陣若任之必有成績諸人紛：皆是

咸淳臨安志卷六十三

六

不別才耳喜孝武世見驅使常充使命性寬厚所至人並懷之及東討百姓聞吳河東來便望風降散故喜所至克捷遷步兵校尉將軍如故封竟陵縣侯東幸定又率所領南討遷輔國將軍尋陽太守南賊退走喜追討平定荊州遷前軍將軍泰始四年改封東興縣侯除右軍將軍淮陵太守假輔師將軍兼太子左衛率

轉驍騎將軍假號太守兼率如故其年虜殺豫州喜統諸軍出討大破虜于荆亭偽長社公遁走戍主帛乞奴歸降軍返復以本位兼左衛將軍六年又率軍向豫州拒索虜加節督豫州諸

軍事

以宋書南史本傳修

范叔孫

錢唐人少而仁厚周窮濟急里人疾病必躬往
卹療或貧無藥餌饘粥資皆給之不吝全活甚
衆歲飢民多疾疫里有父母兄弟同嘗死者數
家喪屍經日不收親隣畏遠莫敢營視叔孫悉
備棺槨親往殯瘞鄉曲貴其義行莫有呼其名
者宋孝建初除竟陵王國中軍不就

以南史本傳修

齊

顧歡

字景怡一字元平鹽官人家貧父使驅田中雀

辰江臨安志卷六十三

上

歡作黃雀賦而歸雀食過半父欲撻之見賦乃
止鄉中有學舍歡貧無以受業于舍壁後倚聽
無遺忘者及長篤志好學母年老躬耕誦書夜
則然松節或然糠自照聞吳興東遷邵元之能
傳五經文句假為書從師之受業同郡顧之
臨縣見而異之遣諸子與游歡年二十餘更從
豫章雷次宗諮元儒諸義母匕水漿不入口六
七日廬于墓次遂隱遁不仕于剡天台山開館
聚徒受業者常近百人歡早孤每讀詩至哀
父母輒執書慟泣學者由是廢蓼莪篇太祖輔

政悅歡風教召為揚州主簿遣中使迎歡及踐
作乃至稱山谷臣顧歡上表其略曰臣聞舉網
提綱振裘持領綱領既理毛目自張道德經也
物勢目也是以湯武得勢師道則祚延秦項忽
道任勢則身戮謹刪撰老氏獻治綱一卷伏願
稽古百王斟酌時用不以芻蕘棄言則率土之
賜臣志靜幽深無與榮勢自足雲霞不須祿養
請從此退歡東歸上賜塵尾素琴永明元年召
歡為太學博士同郡顧黯為散騎郎黯有隱操
與歡俱不就召歡事黃老道解陰陽書為數術

咸江臨安志卷六十三

多效驗有病邪者問歡曰家有何書答曰惟
有孝經而已歡曰可取仲尼居置病人枕邊恭
敬之自差也後病者果愈人問其故答曰善禳
惡正勝邪以病者所以差也將終賦詩云精氣
回天行遊魂隨物變剋死日卒于郊山歸葬木
連理出墓側縣令江山圖表狀世祖詔歡諸子
撰歡文議三十卷

以南齊書南史本傳修

宋廣之

字處深錢唐人善清言初顧歡著三名論以正
四本之失尚書劉臨川王常侍宋廣之並立

論難與之往復而廣之才理尤精詣

以南史顧歡傳修

褚伯玉

字元璩錢唐人高祖舍始平太守父邊征虜叅軍伯玉少有隱操寡嗜慾往郊居瀑布山三十餘年隔絕人物王僧達為吳郡苦禮致之伯玉不得已停郡信宿終交數言而退寧朔將軍丘珍孫與僧達書曰聞褚先生出居貴館此子滅景雲棲不事王侯自非折節好賢何以致之昔文舉棲冶城安道入昌門于茲而三馬却粒之士食霞之人乃可暫致不宜久羈望其返策之日整紆清塵亦願助為譬說僧達荅曰褚先生從白雲游舊矣古之逸人陰成市而此子索然為朋松石介于孤峯絕嶺者積數十載近故要其來此冀尉日夜比談討芝桂借訪荔蘿若已窺烟液臨滄洲矣君欲見之輒當申譬宋孝建二年散騎常侍樂詢行風俗表薦伯玉加召聘本州議曹從事不就齊高帝即位手詔吳會二郡以禮迎遣又辭疾上不欲違其志勅于剡白石山立太平館居之建元

咸陽臨安志卷六十三

九

元年卒年八十六

以南齊書南史本傳修

知不足齋鮑氏補鈔

杜京產

字景齊錢唐人四世祖子恭有道術祖運為劉毅衛軍參軍父道鞠州從京事產少恬靜閉意榮宦頗涉文義專修黃老會稽孔覲清剛有峻節一見而為款交郡召主簿州辟從事稱疾去除朝請不就與同郡顧歡同契始寧中東山開舍授學建元中武陵王暉為會稽太祖遣儒士劉焮入東為暉講說暉故徃與遊曰杜生當今之臺尚也京產請焮至山舍講書傾資供侍子栖躬自屣履為焮生徒下食其礼賢如此孔稚

咸江臨筆卷之三

上

珪周顒謝瀹並致書以通懇懃永明十年稚珪及光祿大夫陸澄祠部尚書虞棕太子右率沈約司徒右長史張融表薦京產曰竊見吳郡杜京產潔靜為心謙虛成性通和發于天挺敏達表于自然學遍元儒博通史子流連文藝沈吟道與泰始之朝掛剝辭世遁捨家業隱于太平葺宇窮岩採芝幽澗耦耕自足薪歌有餘確尔不群淡然寡欲麻衣藿食二十餘載雖古之智士何以加之謂宜釋巾幽谷結組登朝則岳谷含歡薜蘿起抃矣不報建武初以負外散騎侍

即召京產曰莊生持釣豈為白璧所回辭疾不

就以南齊書南史本傳修

杜栖

字孟山京產子張融與京產相友每相造言論
栖常在側融指栖曰昔陳太丘之召元方方之
為劣栖出京師從儒士劉璠受學善清言能彈
琴飲酒名儒貴流多敬待之中書郎周顥與京
產書曰賢子學業清標後來之秀刺史豫章王
聞其名僻議曹從事仍轉西曹佐竟陵王子良
數致禮接國子祭酒何嗣治禮又重栖以為學

咸淳臨安志卷六十三

十一

士掌婚別儀以父老歸養怡情壠畝肥栖壯及
京產疾旬日間便皮骨自支京產止水漿不入
口七日晨夕不罷哭不食鹽菜每營買祭奠身
自看視號泣不自持朔望節歲絕而復續吐血
數升時何嗣謝朓並隱東山遺書曉譬誠以毀
滅至祥禫暮夢見其父慟哭而絕初何點見栖
歎曰卿風韵如此雖獲嘉譽不永年矣卒時年

三十六以南齊書本傳及南史杜京產傳修

朱謙之

字處光錢唐人父昭之以學解稱于鄉里謙之

年數歲所生母亡昭之假葬田側為族人朱幼
方燎火所焚同產姊密語之謙之雖小便哀戚
如持喪年長不娶永平中手刃殺幼方詣獄自
繫縣令申靈勉表上別駕孔稚珪兼記室劉琰
司徒左西掾張融牋與刺史豫章王曰禮開報
仇之典以申孝義之情法斷相殺之條以表權
時之制謙之既申私禮又明公法今殺之則成
罪人宥之即為孝子殺一罪人未足弘憲活一
孝子實廣風德豫章王言之世祖時吳郡太守
王慈太常張緒尚書陸澄並表論其事世祖嘉

咸陽臨安志卷六三

二二

其義慮相復報乃遣謙之隨曹虎西行將發幼
方子憚于津陽門伺殺謙之謙之兄選之又刺
殺憚有司以聞世祖曰此皆義事不可問悉赦
之吳興沈覲聞而嘆曰弟死于孝兄殉于義孝
友之節萃此一門

以南齊書
孝義傳修

呂道惠

餘杭人學徒常有百數范述曾之師也

以梁書
范述曾

傳修 述曾幼師道惠晚始見
梁則道惠非梁人也當附齊

梁

范元琰

字伯珪一字長玉錢唐人祖悅之太學博士召不至父靈瑜居父憂以毀卒元琰時童孺哀慕盡禮及長好學博通經史然謙敬不以所長驕人祖母患癰常自含吮與人言常恐傷物居家不出城市雖獨居如對嚴賓見者莫不改容正色家貧惟以園蔬為業常出問見人盜其菘元琰遽退母問盜者為誰答曰向所以退畏其愧恥今言其名願不泄也于是母子秘之或有涉溝盜其笋者元琰曰伐木為橋以度之自是盜者大慙一鄉無復草竊齊建武二年召為安壯

咸陽臨安志卷之三

二三

參軍不赴沛國劉瓛深加器異嘗表稱之梁天監九年縣令管慧辨上言義行揚州刺史臨川王宏辟命不至十年王拜表薦焉未召其年卒

年七十

以梁書及南史本傳修

范述曾

字子元一字穎彦錢唐人幼從餘杭呂道惠受五經道惠曰此子必為王者師齊文惠太子竟陵文宣王幼時齊高帝引述曾為之師友起家為宋晉熙王國侍郎齊功至南郡王國郎中令遷太子步兵校尉為人謇諤在官所多諫爭竟

陵王深相器重號為周舍沈約亦以述曾方汲
黯明帝即位為永嘉太守為政清平不尚威猛
眊俗便之所部橫陽縣山谷峻峻為逋逃所聚
前後二千石討捕莫能息述曾下車開示恩信
凡諸凶黨襁負而出編戶屬籍者二百餘家自
是居人安業勵志清白不受饋遺帝下詔褒美
名為游擊將軍郡送故舊錢二十餘萬一無所
受惟得白桐木火籠朴十餘枚而已吏無荷擔
者民無老少皆出拜辭號哭聞數十里東昏時
拜中散大夫歸里梁武帝踐阼乃輕行詣闕仍

咸淳臨安志卷六十三

十四

辭歸詔曰述曾昔齊世忠直奉主徃莅永嘉
治身廉約宜加禮秩以厲清操可太中大夫述
曾生平所得俸祿皆以分施及老壁立無資天
監八年卒注易文言著雜詩賦數十篇

以梁書
南史本

傳修

戚袞

字公文益官人祖顯齊給事中父霸梁臨賀王
中兵參軍少聰慧游學都下受三禮于國子助
教劉文紹年十九梁武帝勅策孔子正言并周
禮、記義袞對高第除揚州祭酒從事史就國

子博士宋懷方質儀禮義懷方北人自魏携儀禮記礼疏秘惜不傳及將亡謂家人曰吾死後戚生若赴便以儀禮記義本付之若其不來宜即隨屍而殯為儒者推許如此尋兼太學博士簡文在東宮召袞講論又嘗置宴集元儒之士先命道學互相質難次令中庶子徐摛馳騁大義間以劇談摛辭辨縱橫諸儒懾氣時袞說朝聘義摛与徃復袞精采自若領答如流簡文深加嘆賞敬帝立為江州長史陳大建十三年卒袞于梁代撰三礼義記逢乱亡失禮記義四

咸淳臨安志卷六十三

十五

十卷行于世

以陳書南史本傳修

褚修

錢唐人父仲都善周易為當世之冠天監中歷五經博士修少傳父業善尺牘辨文章武陵王為揚州引為宣惠叅軍限内記室性至孝父喪毀瘠過禮及丁母憂水漿不入口二十三日氣絕復甦每號慟嘔血遂以毀卒

以梁書南史並入孝義傳修

盛紹遠

梁封關内侯天監二年聚徒數百人以受業歿後門人相與立碑以旌德業在餘杭縣

以古圖經及淳

祐志
修

陳

顧越

字允南一字思南益官人所居新坂黃岡世有
鄉校由是顧氏多儒學祖道望齊散騎侍郎父
仲成梁護軍司馬豫章王府諮議叅軍家傳儒
學並專門教授越少孤勤苦自立明慧有口辨
勵精學業不舍晝夜弱別游都下通儒碩學必
造門質疑至于微言妙旨九章七曜音律圖緯
咸盡其精微時太子專事周捨以儒學見重名

咸淳臨安志卷之三

二六

知人一見嘆賞由是聲譽日重又有會稽賀文
發學兼經史與越名相埒故都下謂之發越焉
初為南平王偉國右常侍與文發俱入府並見
禮重大通中詔陳慶之送魏北海王顥返北慶
之請越參其軍事時慶之所向剋捷直至洛陽
既而顥驕縱越料其必敗以疾先反慶之果見
摧衄時稱其見机及武帝選制旨新義遣越返
吳敷揚講說越徧諛經義深明毛詩旁通異義
善莊老尤長論難兼工綴文閑尺牘長七尺三
寸美鬚眉武帝嘗于重雲殿自講老子僕射徐

勉舉越論義越抗首而請音響若鍾容止可觀
帝深贊美尋除五經博士侍宣城王講及侯景
亂越與同志沈文阿等逃歸賊黨教授以爵位
誓不受承聖二年詔授宣晉安王府諮議參軍
領國子博士越以世路未平歸隱于武丘山紹
泰元年復召為國子博士陳天嘉中詔侍東宮
講除東中郎鄱陽王府諮議參軍甚見優禮尋
領羽林監遷給事中王門侍郎國子博士侍讀
如故時朝廷草創疑議多所取決每侍講東宮
皇太子常虛已禮接越以宮僚未盡時彥太子

仁弱宣帝有奪宗之兆憤激上疏曰惟皇太子
天下本養善春宮臣陪侍經籍于今五載如愚
所見輔弼丞疑未極昔選至如文宗學府廉潔
正人當趨奉龍樓晨游夕論嘗聞前聖格言往
賢正道如此則非僻之理無從而入帝深感焉
而竟不能革廢帝即位拜散騎常侍兼中書舍
人黃門侍郎如故領天保博士掌儀禮猶為帝
師時宣帝輔政越因請假免官大建元年卒年
七十七所著喪服毛詩老子孝經論語等義疏
四十餘卷詩頌碑誌牋表凡二百餘篇

以陳書
南史本

傳

杜之偉

字子大錢唐人家世儒學以三禮專門父規梁奉朝請與濟陽江革會稽孔休源友善之偉幼精敏有逸才十五遍觀文史及儀禮故事時輩稱為早成僕射徐勉見其文重其有筆力中大通元年勉白補東宮學士與學士劉陟鈔撰群書各為題目所撰富教政道二篇皆之偉為序後兼太學限內博士大同七年皇太子釋位于國學時樂府無孔子顏子登歌詞令之偉製其

咸淳臨安志卷之三

二十八

文再遷安前邵陵王刑獄叅軍之偉以疆識俊才有名當世吏部尚書張纘以為廊廟之器侯景反之偉逃竄山澤及陳高祖為丞相素聞其名召補記室叅軍遷中書侍郎領大著作高祖受禪除鴻臚卿餘並故如之偉白求解著作曰臣以紹泰元年忝中書侍郎掌國史于今四載思報恩獎不敢廢官皇曆維新驅馭軒昊記言記動未易其人著作之材更宜選衆臣無容遽變市朝再妨賢路優勅不許尋轉大匠卿遷太中大夫仍勅撰梁史卒官贈通直郎騎常侍之

偉為不尚浮華而溫雅博瞻文集存者十七卷

以陳書南史本
傳通鑑年月修

錢逵

字通甫梁大同中為廬陵王國侍郎羽林監及
陳祖立遷東海太守娶瑯琊王氏生九子嘗誦
學及儒菴上後皆掌郡符故其地號九州山在

臨安縣有羅隱所為碑記 以淳祐
志修

杜稜

字雄盛錢唐人世為大姓稜涉書傳從陳武帝
平蔡路養李遷仕有功梁元帝承制授石州刺

咸淳臨安志卷六十三
十九

史上陌縣侯景平武帝鎮朱方以稜監義興瑯
琊二郡武帝東征杜翕等留稜與侯安都居守
徐嗣徽任約引齊師濟江攻臺城安都与稜隨
方抗拒晝夜警備綏撫士卒未嘗解帶賊平以
功除丹陽尹文帝即位以預建立功改封永城
縣侯出為晉陵太守又為丹陽尹廢帝即位加
特進侍中大建元年為吳興太守二年召為侍
中尋加特進護軍將軍三年免四年復為侍中
右光祿大夫稜歷事三朝並見恩寵卒官贈開
府儀同三司謚曰成配享武帝廟廷史臣有感

會風雲畢力驅馳之贊子安世嗣

以陳書南史本傳修

駱文牙

一名牙字旗門臨安人祖秘道梁安成王田曹參軍父裕梁鄱陽嗣王中兵參軍事文牙年十二有善相云此即容貌非常必將遠致梁太清末陳文帝避地臨安文牙母陵覩帝儀表知非常人賓待甚厚及文帝為吳興太守引文牙為將帥從平杜龕張彪等每戰先鋒陷陳勇冠衆軍以功授直閣將軍太平二年以母憂去職文帝鎮會稽起為山陰令永定三年鎮冶城尋後

咸洋臨安志卷六三

二

文帝拒王琳文帝即位封長安縣侯

常安一作臨安尋

為臨安令遷越州刺史初文牙母之卒也飢饉兵荒至是始葬詔贈文牙母常安國太夫人謚曰恭遷文牙為正威將軍晉陵太守三年以平周迪功遷別軍將軍臨川內史大建三年為桂陽太守八年遷散騎常侍入直殿省十年授豐州刺史至德二年卒贈安遠將軍廣州刺史子義嗣史臣謂駱牙識真有奉知世祖天授之德蓋張良之亞牙母智深先覺符栢谷之禮

以陳書南

史本傳修

全緩

字弘立錢唐人幼受易于博士褚仲都薦志研
翫得其精微梁太清初歷王國侍郎奉朝請轉
國子助教兼司義郎專講詩易陳大建中累遷
始興王府諮議參軍緩通周易老莊時人推之

以陳書南
史本傳修

隋

陸知命

字仲通富春人父教陳散騎侍郎知命好學識
大體以正介自持歷陳太學博士南獄正及隋

咸江臨安志卷六十三

三十一

晉王廣鎮江都以其三吳之望召令諷諭反者
以功拜儀同三司賜以田宅復用其弟恪為沂
陽令知命陳遜許之昔天下一統知命勸高祖
都洛陽目上太平頌以諷又上表請使高麗曰
昔軒皇馭曆既緩夙沙之誅虞帝握圖猶稽有
苗之伐高麗小醜狼顧燕垂王度含洪母懷遵
養欲諭之以德也臣請以一節宣示皇風使彼
君臣而縛闕下天子異之尋授普寧鎮將人或
言其正直者由是待詔于御史臺大業初拜侍
御史侃然正色百僚所憚帝甚敬之後卒贈御

史大夫

以北史隋
書本傳修

顧彪

字仲文餘杭人明尚書春秋大業時為秘書學

士撰古文尚書義疏二十卷行于世

以北史隋
書本傳修

魯世通

餘杭人大業時為國子助教撰毛詩章句義疏

四十二卷行于世

以北史隋
書本傳修

咸淳臨安志卷之六十三

咸淳臨安志卷六十三

二十二

[Faint bleed-through text from the reverse side of the page, including characters like '四十二卷行于世' and '餘杭人大業時']

三月二十四日校



知不足齋鮑氏補鈔

咸淳臨安志卷之六十五
人物六

列傳

國朝

錢俶

字文德晉天福四年兄侑有義和院之辱俶時鎮江東遂渡江襲吳越王位漢授以東南兵馬都元帥至周以為天下兵馬都元帥宋興改大元帥

太祖受命俶貢奉有加開寶六年封其妻孫氏

為賢德順穆夫人幕吏黃夷簡入貢

咸淳臨安志卷六十五

太祖謂之曰江南岨彊不朝我將討之元帥當助我無惑人言王師討江南以為昇州東南招討制置使李煜貽書於俶其略曰今日無我明日豈有君俶以其書來上率兵拔常州加守太師又遣其大將沈承禮率兵隨王師平潤州俶初起兵其相沈子虎諫曰江南國之藩蔽今王自撤其藩將何以衛社稷乎不聽遂罷子虎政事江南平俶與妻子來朝太祖待以優禮特賜劍履上殿詔書不名又以



妻為吳越國王妃俶歸國

太祖以黃絹封文字一複付俶曰候到國開之仍諭俶曰朕知公忠若朕常在公則常有東南他人未可知也俶感泣拜謝至國御舊名封皆

晉王宰相以下請留俶章也 太平興國三年

復來朝遂以國歸有司

太宗改封俶淮海國王詔兩浙發俶總麻以上親赴

闕錢氏傳五主共八十四年俶以天下既平求去元帥之稱從之改漢南國王 雍熙四年出

咸淳臨安志卷六十五

二

為武勝軍節度使徙國南陽既又辭國號改封許王 端拱元年徙封鄧王薨年六十冊封秦國王謚忠懿初胡進思之廢侗迎俶也俶曰能全吾兄乃敢承命後進思屢有害侗之請俶終不許而進思不能害俶又遷侗於會稽為築宮室治園囿厚供饋俾娛玩以終天年實有鵠原之至愛焉吳越雖重稅歛以事供貢然俶多寬民之政下令租賦多所逋滯歲杪必命蠲蕩又募民能墾荒田者勿收其稅於是境無棄田或請糾遺丁以增賦俶杖之國門故終於邦域之

內悅而愛之及真人出而四海一又能去國如傳舍

太宗之竭兵力以取太原嘗謂俶曰卿能保全

一方以歸於我不致血刃深可嘉也俶之大節

如此又性謙謹未嘗忤物故為太師中書令者

四十年任元帥者三十年富貴之盛無與為比

七子惟濬惟治惟渲惟灝惟潛惟演惟濟以資治通

鑑東都事畧長編吳越備史修

錢億

字延世元瓘子歷事佐俶晉開運三年佐議鑄

咸淳臨安志卷六十五

三

鐵錢以益將士祿賜億諫曰鑄錢有八害新錢

既行舊錢皆流入鄰國一也可用於吾國而不

可用於他國則商賈不行百貨不通二也銅禁

至嚴民猶盜鑄况家有鐳釜野有鐮犁犯法必

多三也閩人鑄鐵錢而亂不足為法四也國用

幸豐而自示空乏五也祿賜有常而無故益之

以起無厭之心六也法變而弊不可遽復七也

錢者國姓易之不祥八也佐乃止億後相俶以

疑謗出判明州有善政凡科率舊制悉除之周

顯德三年俶令括境內民丁以益軍旅勞攘頗

多億在明州手疏切諫倣悟遂寢其事倣嘗與丞相以下論時務且言民之勞逸由時君奢儉因為詩二章言節儉命億應和億因作詩以陳諷刺倣嘉歎仍賜詩以美其意億嘗以女許王舅吳氏之子而諸吳驕恣日益遂絕之自是不通音問時人稱其強正億性俊拔善屬文建隆初奏授奉國節度使卒年三十九謚忠憲子昭顥等後入朝

以資治通鑑吳越備史本傳修

錢惟演

字希聖幼有俊才倣嘗使賦遠山詩有高為天

咸淳臨安志卷六十五

四

一柱秀作海三峯之句倣深器之咸平中獻其所為文拜太僕少卿擢知制誥翰林學士拜樞密副使加尚書右丞轉工部尚書

仁宗即位進兵部尚書為樞密使除保大軍節度使知河南請覲加同平章事判許州改鎮武勝又徙泰寧上耕藉入侍祠為景靈宮使判河南改鎮崇信卒贈侍中惟演少富貴能志於學有文章與楊億劉子儀齊名嘗曰學士備顧問不可不該博故其家聚書侷於秘府又多藏古書畫在館閣與脩冊府元龜凡千篇詔楊

億分為之所著有典懿集樞庭擁旄前後集伊
川漢上集金坡遺事錄飛白書叙錄逢辰錄奉
藩書事謚文僖後鮑由為其真贊謂西崑體律

如有唐掌我帝制登玉堂實以文擅世云

以東都事

畧本傳夷白堂集修

錢暄

字載陽惟演之子任郎官知開撫台三州有治
績除少府監又知鄧州為三司鹽鐵副使時鈞
考諸路逋租兩浙轉運使當坐負暄因對從容
為言逋租不入以頻年饑故今使者被罪不亟

咸淳臨安志卷六十五

五

歛恐民不堪惟稍寬乃可集得免出知鄆州除
寶文閣待制元豐八年卒年六十八暄素好
學皇祐中撰後漢功臣年表藏之秘閣所至
不為赫赫名而既去見思十二子內景臻康國
公尚

仁宗女許國大長公主生榮國公忱忱生參政
端禮端禮孫左丞相象祖

以東都事畧錢惟演傳實錄附傳乾道志

淳祐志脩按忱官至少傳紹興三十一年卒

錢昆

字裕之侗之子隨俶歸朝諸從子皆授官獨

昆與其弟易願從科舉遂登進士第累遷至三司度支判官

仁宗時知廬濠泉毫梓壽許七州為治尚寬簡官至右諫議大夫以秘書監致仕卒年七十六

昆善為詩賦又善草隸有文集十卷

以國史本傳東都事

脩略

錢易

字希白年十七舉進士御試三題日中而就言者以其輕俊而黜之

太宗語蘇易簡曰朕恨不與李白同時易簡白

咸平臨安志卷六二五

六

有錢易者李白才也上欲用唐故事召至禁林不果咸平二年再舉進士甲科為光祿寺丞通判蘄州上疏乞除非法之刑曰國之所重莫先乎刑刑不可不本於法古之肉刑皆非死刑尚以為虐而絕之近代非法之刑乃或支解鬻割鉤背烙筋身見白骨而口眼猶動四體分落而呻痛未息臣愚以為非法之刑非所助治也臣淳化中寄居壽春縣見巡檢使釘一賊而集衆之際猶有盜物者豈嚴刑可誠乎臣謂一人愛民民亦愛一人既愛於上則奉上而

懼苟以嚴刑欲誠則懼未至而怨已深乞下詔
書斷天下非法之刑止從絞斬則仁政王道盡
在此矣 景德二年舉賢良方正科策入等除
祕書丞通判信州

真宗封泰山獻殊祥錄遷太常博士直集賢院
祀汾陰易脩 車駕所過圖經轉祠部員外郎
幸亳州復脩所過圖經擢知制誥 天聖三年
遷翰林學士時惟演以鈞衡之命乃易當制世
稱弟拜相兄草麻傳以為榮傑直未滿而卒易
俊逸過人為文數千百言頃刻而就為歌詩有

咸淳臨安志卷六十五

七

義山長古體而俊逸過之又善行草書有集一
百六十卷青雲總錄一百卷洞微志十卷子彦

遠明逸

以國史本傳東都事畧 皇朝名臣經濟錄金坡遺事修

錢彥遠

字子高以父任為太廟齋郎大理寺丞復舉進
士又舉賢良方正策入等由太常博士授祠部
員外郎 慶歷七年知潤州因災異上疏極言
國家備寇之術未至牧民之吏未良天下之民
未安西北二虜我之堅敵今北戎據幽燕山後
元昊盜靈武銀夏皆我之州郡伺我間隙收我

亡叛非止歐略而已往時元昊內寇天下騷然及納款賜命則被邊長吏不復銓擇一日契丹乘利入塞豈特元昊之比耶又湖廣蠻獠戕害劫掠生民流離調發督歛軍須百出置之不問其憂不細惟陛下念此三方講長久之計以安元元性命大凡牧長之吏生民之慘舒休戚繫之守吏失則一方弊利害切於身飢寒偏於內彼不起為盜賊則當危苦愁厄而死危苦愁厄之氣所以致水旱臣願陛下精選天下之長吏此根本之論也時旱蝗民乏食彥遠在潤

咸淳臨安志卷之五

發常平倉賑救部使者詰其專彥遠不為屈召為右司諫請罷數赦擇牧守增俸入以養廉吏息土木以省工費遷起居舍人直集賢院知諫院時楊懷敏妄言契丹宗真死乃除入內副都知內侍黎用信以罪竄海島赦歸遽得環衛官皆上疏極論之又言楊景宗郭承祐闖茸小人宜廢不用多見聽納彥遠性豪邁其任言職數有建明卒官年三十七彥遠風度凝遠學問該博皇祐元年嘗為廷試編排官仁宗書博學二字以賜之其卒也宋敏求銘其

墓蘇頌為神道碑四子勰燮龢參

以國史本傳

皇朝名臣經濟錄乾道志修

錢明逸

字子飛舉才識兼茂科父子三人皆中制科世

以為盛嘗任知制誥翰林學士知開封府後至

端明殿學士兼龍圖閣學士復翰林學士卒贈

禮部尚書謚脩懿

以東都事畧乾道志修

錢勰

字穆父授流內銓主簿陳襄進班簿對

神宗稱勰將仕以清要王安石使弟求見許用

咸淳臨安志卷六一五

九

為御史勰謝家貧母老不能為萬里行安石知

不附己命權鹽鐵判官奉使高麗凡餽餼皆不

納歸次紫燕島王遣吏追餉金銀器四千兩勰

曰既辭之矣吏泣曰王有命徒歸則死勰曰汝

可死吾不可受元祐間為給事中三知開封

府有能名宗室貴戚皆斂手紹聖初拜翰林

學士兼侍讀勰嘗行章厚謫詞厚諷全臺攻之

罷知池州卒勰以從父明逸任入官嘗舉賢良

方正召試祕閣不中與蘇軾游最久勰守越日

軾守杭詩筒響答時人比之元白後入元祐黨

籍李綱誌其墓以東都事畧

錢蘇

字岳甫一作岳仲以孝義知名居於錢塘門外九里

松之間嘗建傑閣藏書甚富蘇軾榜曰錢氏書

藏仕至直祕閣知荆南府墳墓在靈隱天竺兩

山之間以乾道志脩穆父嘗有寄岳仲七弟詩

莫向西湖戀風月
人如此則蘇之復居錢塘可知矣

錢藻

字醇老吳越王元瓘子儼入朝為昭化節度

守和州十八年儼生昭慈昭慈生順之藻順之

咸淳臨安志卷六十五

十

子也舉說書進士又舉賢良方正皆中其科

英宗時為祕書校理三上書請

慈聖光獻太后歸政 天子

神宗時稍遷直舍人院同脩起居注擢知制誥

直學士院除樞密直學士知開封府以慈恕簡

靜為體不求智名以投世取顯為屬者有不合

而遇之無厚薄意遷翰林侍讀學士 元豐五

年卒藻刻厲為學於書無所不治已通其大旨

至於分章別句類數辨名叢細委曲無不究盡

其見於文辭閑放雋偉故常出眾上名動一時

為人清謹寡過居守繩墨立朝無矯亢亦不雷
同處勢利淡如也人稱其長者

以東都事畧曾鞏所撰墓誌修

薛温

字伯順錢塘人漢乾祐元年吳越王俶遷廢王
侖於衣錦軍私第遣温將親兵衛之潛戒之曰
若有非常處分皆非吾意當以死拒之胡進思
屢請殺侖以絕後患俶不許進思詐以王命密
令温害之温曰僕受命之日不聞此言不敢妄
發進思乃夜遣其黨方安等二人踰垣而入侖
闔戶拒之大呼求救温聞之率眾而入斃安等

咸淳臨安志卷六十五

十一

於庭中入告俶俶大驚曰全吾兄汝之力也進
思乃懷憂懼未幾疽發背卒而侖獲全温由此
大被任用為鎮國左右都指揮使睦州刺史至
我建隆六年卒謚正顯後有名昂字肇明
徽廟時為門下侍郎者即其裔也

以資治通鑑吳越備史及

乾道志修

崔仁冀

字子遷錢塘人初妊其母多疾父詢欲投以藥
鐺上有蛇蜿蜒亟覆其鐺而蛇失所在遂止仁
冀少篤學有文采事錢俶為通儒學士俶罷沈

子虎政事以仁冀代之總其兵要
太祖嘗諭旨於俶曰元帥克毘陵有大功可暫
來與朕相見仁冀告俶曰主上英武所向無
敵保族全名上策也俶深然之及
太宗時俶遂獨與仁冀決策納土
上以仁冀為淮南節度使俶薦其才可用擢授
衛尉卿判大理寺後移知撫州卒

以長編及吳越備史脩

元德昭

字明遠本姓危父仔倡刺信州奔吳越錢鏐為
易今姓仔倡嘗命日者視諸子曰者指德昭曰

咸淳臨安志卷六十五

十三

獨此子非武官及學文其師曰爾才可以為王
侯教令因授以文體元瓘襲國教令之任頗闕
林鼎薦之元瓘與語謂鼎曰德昭有輔弼之才
吾子孫無憂矣遂掌文翰後事佐晉開運三年
用師南閩兵機細務悉以委之尋拜國相因相
俶周顯德二年用師毗陵吳程執趙仁澤送錢
唐德昭能憐其忠以救其死六年嘗與吳延福
俱入貢於周至乾德五年以吳越丞相卒年
七十八我朝命贈太保德昭治家以孝愛聞
每時序置酒環列几席者凡四從嘗為詩云滿

堂羅綺兼朱紫四代兒孫奉老翁子仲文仕本國秀文刺秀州累贈太僕少卿好文尚書比部員外郎曾鞏謂其有保有郎重世之盛是也以資

治通鑑吳越備史南豐集夫人元氏墓志及乾道志脩

元奉宗

字知禮秀文之子景德二年甲科及第知通州海門縣地苦斥鹵奉宗為鑿池注甘泉人甚利之遷博士拜屯田員外郎告老歸杭天性情靜舊地在闌闔乃謂家人曰富春佳山水真吾退閒之所遂卜居焉景祐戊寅冬卒其後有

咸淳臨安志卷六十五

十三

絳

以大宋登科記及乾道志脩

元絳

字厚之天聖八年舉進士為著作佐郎知通州靜海縣時江淮制置使建言販私鹽二十斤以上坐徒罪絳曰海旁之民恃鹽以生非羣販者笞而縱之累任監司郡守召為翰林侍讀學士預議

僖祖神主祧遷請以僖祖為始祖廟詔依其議除三司使拜參知政事年七十告老

神宗曰卿子者寧孝謹好學命校書崇文絳知
亳州陸辭 上謂曰一歲即召卿矣改潁州
上賜坐使服學士金帶如舊累乞歸老以太子
少保致仕絳工於文辭名流推許
神宗以此厚遇之在中書時蕃夷書詔多出其
手景靈宮十一殿成夜傳詔草上梁文遲明以
進既告老 上謂曰卿可營居京師朕當資卿
金幣行次近郊 上遣內侍賜白金千兩元豐
七年卒年七十六贈太子少師謚章簡詔其家
集平生文章上之有文集四十卷讞獄集十三

咸寧臨安志卷六十五

十四

卷子者寧者弼其後多居富陽

以東都事畧大宋登科記及

乾道志修

潘閻

字逍遙嘗居錢塘今城北潘閻巷是也

俗呼為潘郎

閻通易春秋尤以詩知名

太宗召對賜進士第將官使之不就王繼恩與
之善繼恩下獄捕閻甚急久之弗得 咸平初
來京師尹叔繫之

真宗釋其罪以為滁州參軍後卒於泗上初閻
在錢塘與道士馮德之同處約歸骨於天柱山

至是德之囊其骨以歸葬焉錢易張達皆碣其墓閻與王元之孫何柳開魏野交好最密集有祖無擇序其載歸錢塘篇有漁浦風波急龍山煙火微之句人謂不減劉長卿又有過華山詩云高愛三峯插太虛帚頭吟望倒騎驢旁人大笑從他笑終擬移家向此居好事者畫為圖故魏野贈詩云昔賢放志多狂怪若比而今總未如從此華山圖籍上又添潘閻倒騎驢世又有潘閻安鴻漸八才子圖皆策蹇重戴貌國初舉子風人寶傳之蘇軾少年時過一山院見壁

咸淳臨安志卷六十五

十五

上有句云夜涼知有雨院靜似無僧而不知何人詩今集有此乃閻夏日宿西禪院詩也崇寧間武夷黃靜仕杭得其詩餘酒泉子十首鏡諸石為之跋云放懷湖山隨意吟詠詞翰飄然非俗士所可仰潘閻謫仙人也有逍遙集行於世以曾慥所編潘閻詩及慥所撰小序黃靜所撰詞跋昭德晁公武讀書志陳直齋書錄解題葉紹翁四朝聞見錄脩閻之事跡記者不同今多以昭德讀書為正

吳欽

餘杭進士重定切韻獻於朝後為屯田郎中史館校勘與邱雍校勘玉篇大中祥符六年都

大提舉玉篇所狀云陳彭年再與看詳別無差

誤以玉篇序及紹興間毛晃進增脩互註韻畧表脩

林逋

字君復錢塘人祖克己仕錢氏為通儒院學士逋少孤刻志為學景德中放浪江淮歸結廬於西湖之孤山

真宗聞其名賜號和靖處士詔長吏歲時勞問逋善行草書為詩孤峭澄淡嘗詠梅花有疎影橫斜水清淺暗香浮動月黃昏之句為古今絕唱逋詩就輒弃之或勸其錄以示後逋曰吾終

咸淳臨安志卷六十五

十六

志林泉尚不欲取名於時况後世乎居西湖二十年未嘗入城市杭守王隨每與倡和訪其廬出俸錢以新之李及薛映每就見清談終日逋嘗蓄兩鶴縱之則干霄久之復入樊中嘗泛小艇游西湖諸寺客至則一童應門延坐開籠縱鶴必棹船而歸蓋以鶴為候也將終有詩曰湖上青山對結廬墳前脩竹亦蕭疎茂陵他日求遺藁猶喜曾無封禪書卒年六十一葬舍側初逋客臨江李諮始舉進士逋謂其有公輔之器逋卒而諮守杭為服緦與其門人哭而葬之刻

臨終一絕納壙土

仁宗賜謚和靖先生仍賜其家米五十石帛五十匹逋不娶無子教兄子宥登進士第諸孫大年始集其詩行於世逋性高逸多學而有大名一時公卿莫不慕仰范仲淹贈詩云巢由不願仕堯舜豈遺人又云風俗因君厚文章到老醇梅堯臣序其詩謂其譚道則孔孟語文則韓李趣向博遠直寄適於詩耳歐陽脩謂自逋之卒湖山寂寥無有繼者其為名公推重如此紹興中孤山為觀遷羣冢詔存逋墓且加封植今

咸淳臨安志卷六十五

十七

太傅平章賈公又大書以識之曰和靖先生之

墓以東都事畧本傳梅堯臣所撰詩序曾鞏所撰史傳曾慥所編百家詩小序及舊志近事

脩

胡則

字子正少倜儻負氣格初吳越間不設貢舉儒風幾息則獨蒐經史屬文詞及歸朝遂登端拱二年第踐更中外凡四十七年其簽書貝州節度觀察判官公事朝廷方遣使省天下冗役就命則行河北路為之去籍者幾十萬數民用休息其守潯州人有虎患則齋戒禱城隍神

翌朝得死虎於廟中提舉江南銀銅場鑄錢監按池州永豐監得匿銅數萬斤吏懼當死則曰昔馬伏波哀重囚而縱亡之今銅尚在吾忍輕數人之生耶咸以羨餘籍之不復為坐在廣南西路有大船困風於遠海食匱貲竭久不能進告窮於則則命瓊州出公帑錢三百萬以貸之吏曰夷本無信又海船遇風無所不之則曰遠人之來不恤其窮豈國家意耶後夷人卒至輪上之貨十倍其貸宜州繫重辟十九人時有大水則冒患往辨之活者九人任福唐有官田數

百頃民輸租食利已久計臣請就鬻之責其估二十萬貫民不勝敝則三上奏詔減其半而民始安領三司使寬於財利不以刻下為功時上方以陝西兩京榷鹽錢歲久民鮮得食而日犯法命通商有司重於改作則首請奉詔其事遂行則性至孝丁母憂廬於墓側以終紀有草木之祥福唐前郡將被訟去官嘗延蜀儒龍昌期與郡人講易率錢十萬遺之以歸事在訟中及則下車昌期自益都械至則命釋之見以賓禮自以俸金償其所遺仍厚禮而歸之則富宇

量篤風義臨事得法外意輕財尚施不為私積
士大夫咸稱之則本婺人凡再牧杭州得請加
兵部侍郎致政因退居西湖乘游舫泛清波深
樽雅絃左子右孫與交親笑歌於歲時之間浩
如也朝廷命長子楷通守錢塘以就養又六年
而終於私第時 寶元二年也年七十七

天子聞而悼之進一子官遂葬於錢塘楷登服
勤詞學科所至政能類其父次子湘桂維以學
識俊異孝謹稱初則守陳州而范仲淹為倅則
以國士遇之故其卒也仲淹實銘其墓

以范仲淹所撰

墓志
脩

陸滋

字元象世家杭曾祖超以功為錢氏衢州刺史
滋通毛鄭二詩易春秋既冠以文辭試鄉舉一
鬻而售以母病不行後三年復在選察母面有
難別色亦不忍行遂自訣曰夫仕不獨為時亦
為親苟感吾親吾何為行哉陳堯佐時使兩浙
與滋厚手十餘言以遺之曰行矣持此足以游
公卿滋謝不受自是頽然自得顧天地間無足
介吾慮者惟一肆意於書不復言進取凡聖經

賢史九流百家僻異之說無不讀或引以答客
問必章解句析卒不差一字問者退輒服謂終
年讀書不如與陸先生一日語尤嗜風雅日哦
木石間有以家事關者麾使去曰毋溷我皇
祐四年詔錄

先朝遺士搢紳逢掖合百餘以狀白府請用滋
應詔府上之朝得杭州文學以嘉祐六年卒
滋好古篤信且性寬厚嘗治居材已具有鄰有
以侵我地給之者滋笑與語吾以券白汝妄耶
即為之縮材里俗襲吳越偽禮甚者僭惡不可

咸淳臨安志卷六十五

二十

聽滋為援典制家矯而戶正之此敝遂草自就
學至垂沒未嘗去書所著詩賦文論書誌合二

十卷

以強祠部
文集脩

孫長者

失其名世家富春之臨江鄉性寬厚言忱行篤
信於其鄉鄰里有訟不之官皆云當見孫長者
至則為陳事理白其所以枉直之狀人人服而
去以是縣令之廳經歲不識臨江人面母病躬
視藥物目不交睫及母死而身已病將葬其母
竟死臨終語諸子吾生不能送母於穴死歛吾

以衰經庶盡吾孝於土中時 皇祐間也有子

登第名式 以強祠部
文集修

唐拱

其先自晉昌徙餘杭有唐山令者曰熊生希顏
唐天復中以明經為建威推官希顏生仁恭仕
吳越仁恭生渭仕 本朝為職方郎中渭生拱
拱以父蔭補太廟齋郎改三班借職再遷右班
殿直為漳州監押卒後贈太子太師歐陽修表
其墓拱孝悌於其家信義於朋友廉遜於鄉里
居官則名公鉅人皆以為材有子曰介字子方

咸淳臨安志卷六十五

三

皇祐中以言事切直貶春州別駕已而

仁宗感悟貶未至而復用於是介以直聞天下

神宗朝參知政事數與王安石爭論憤悶而卒

謚質肅

神宗擢其子淑問為御史亦甚有直聲

以歐陽
脩所撰

唐府君墓表劉摯所撰質肅公神道碑及東都
事畧脩按拱之父雖自餘杭徙江陵而墓表
定為錢塘人今從之

楊大雅

字子正本唐靖恭坊虞卿之後虞卿孫承休唐
天祐初為吳越策禮副使攜其子巖與俱會楊

行密亂江淮路阻不克歸因家錢塘巖仕吳越
位至丞相生郾為尚書職方員外郎大雅郾之
孫也十歲作雪賦長日誦書數萬言端拱二
年乙科登第咸平三年交趾獻犀大雅獻犀
賦召試學士院明年上書自薦獻所為文二十
餘萬言乃直集賢院久歷外官直集賢院二十
七年不遷或笑其違世自守大雅曰吾不學乎
世而學乎聖人由是至此吾之所有不敢以薦
於人而嘗自獻乎天子矣今孰附以進耶其信
道篤不可屈如此天聖四年以久次遷集賢

咸寧臨安志卷六十五

三

殿脩撰與陳從易並命知制誥二人皆以好古
文行知名居二歲拜右諫議大夫集賢院學士
出知亳州卒所著有大隱集五十卷職林二十
卷兩漢博聞十二卷大雅初名侃避

真宗藩邸諱改今名幼孤能自立勤苦為文章
躬履儉約不妄進取人知其為有德君子老以
文顯於朝廷贈其父蟪為禮部尚書子洎濬泳
漸沆颯歐陽修有代楊洎推官上呂相公書修
再娶即大雅之女云

以東都事畧本傳六一文
集楊府君墓志穎濱文集

六一神
道碑脩

唐肅

字叔元錢塘人七歲以能誦五經知名與孫何
丁謂曹商游世謂之孫丁曹唐肅為人清直廉
儉恬於榮進咸平初登進士第為秦州司理
有人夜宿逆旅而同宿者殺人亡去旦起視之
血污其衣為吏所執不能明遂自誣服肅為白
其寃而知州事馬知節趣具獄肅固執不可後
數日果得真殺人者就辟本州觀察推官遷著
作郎知洪州艤舟南康人問其故曰職曰以四
月為限今遽往得無趨利乎踰月乃上任至龍

咸淳臨安志卷六十五

三

圖閣待制

天聖八年卒子詢詔諲諷

以國史本傳脩

唐詢

字彥猷天聖中詔許天下獻所為文章應詔

者百餘人有司第其善者詢等數人而已召試
賜進士及第為御史奏罷制科不行除尚書工
部員外郎直史館知湖州轉運江西徙福建入
為三司戶部判官判磨勘司出為江東轉運使
擢起居注知制誥出知蘇杭青三州除翰林侍
讀學士

英宗即位召為三班院判太常院兼禮儀事

治平元年卒贈禮部侍郎有文集二十卷詢好
硯有硯錄三卷子字林夫 熙寧初為諫官

以國

史本傳
長編脩

盛京

上世本宋之虞城人唐末徙餘杭曾祖嘗任錢
氏為本縣令父豫 興國初隨俶入 朝終度
支郎中京登進士第 康定初為諫議大夫出
守江寧以老乞便郡詔移海州天資仁厚不忍
以法繩下而吏民化服亦不忍欺以事去久而
閭巷猶愛思之終於工部侍郎後十年子遵甫

咸淳臨安志卷六十五

志

嘗以光祿寺丞通判海州歲旱發公私藏粟以
廩民全活甚衆又設方畧捕姦盜發輒得又四
十餘年遵甫之子仲孫以朝奉大夫守海州暮
年州稱治邦人有盛史君家兒世世循吏之稱
以夷白堂海州太
守題名碑記脩

盛度

字公量京之弟也少時父豫嘗令賦秋夜詩句
有蛩字而偶不省夢人以金書蛩字于牌示之
既寤以告父撫其首曰異日必以文學大吾門
端拱初登進士第奉使陝西參質漢唐故地繪

為西域圖以獻累擢知制誥嘗奏事便殿
真宗問所上西域圖內出絹命二別繪度因言
前已圖漢所置酒泉張掖武威金城等郡比復
究尋其東南自秦築長城西起臨洮東至遼碣
延袤萬里有郡有軍有守捉襟帶相屬烽火相
望其形勢備禦亦至矣唐始置節度使後又以
宰相兼領用非其人有山河之險而不能固乃
復繪其山川道路區聚壁壘為河西隴右圖以
獻上稱其博為翰林學士史館修撰出知光
州天聖初起知瑞州徙虔州又知徐蘇揚三

州初度上言請復賢良方正科又請建四科取
士言經術之士典刑備舉則政教流行請設博
通墳典達於教化科堯試臣以事不直以言語
筆札求之審官期於適用請設材識兼茂明於
體用科戎警未除調邊勞戍必資良帥請設軍
謀宏遠堪任將帥科獄市之繁民命所係請設
曉法律能按章覆科後亦取其材識兼茂明
於體用科與賢良方正能直言極諫科並行復
為翰林學士史館修撰兼龍圖閣學士明道
中授承旨兼端明殿學士翰林侍讀學士景

祐二年拜參知政事四年知樞密院事拜武寧節度使罷為尚書右丞知揚州蔡州應天府以太子少傅致仕卒贈太子太保謚文肅度好學讀書未嘗釋手

真宗嘗命與李宗諤楊億王曾李維舒雅任隨石中立同編通典文苑英華所著有愚谷集中

書制集銀臺集翰林制集子山甫申甫崇甫

都事畧南豐隆平集乾道志脩

郎簡

字叔廉臨安人幼貧借書錄誦中進士第知福

清縣邑人為立生祠調隨州推官引對

真宗謂呂夷簡曰歷官寡過無一人薦之是必恬於進者擢著作佐郎累典郡有聲以尚書工部侍郎致仕祀明堂遷刑部以嘉祐元年卒年八十九贈吏部侍郎簡性和易喜賓客即錢塘城北治園廬自號武林居士導引服餌晚歲顏如丹尤好醫術人有疾多自處方以療之集驗方數千首行於世幼從四明朱頔長學文於沈天錫既仕均俸資之後二人亡訪其子孫為主昏嫁平居宴語惟以宣上德救民患為意孫

沔守杭榜其里門曰仁壽坊後二百年有遠孫
伋偉同登 紹定五年第

以國史本傳洪平齋
集郎迪功墓誌修

咸淳臨安志卷之六十五

[Faint bleed-through text from the reverse side of the page, including characters like '咸淳臨安志卷之六十五']

咸淳臨安志卷之六十六
人物七

列傳

謝濤

字濟之其先陳郡人唐末徙吳越累世葬富陽號謝墓因為家父崇禮泰寧軍書記濤以文學稱登淳化三年第為梓州推鹽院判官李順反成都濤畫計守禦以功遷觀察推官權知華陽縣亂後田廬荒廢詔有能占田而倍入租者與之於是腴田率為豪右所占民無所歸濤收

咸淳臨安志卷之六十六

詔書悉以田歸主改著佐知興國軍

真宗考吏籍內出朝士有治迹者二十四人名付中書門下省濤在選中召對長春殿賜五品服契丹入寇議親征以濤知曹州賦稅移輸睢陽助兵食是歲霖潦民苦轉送濤請以他漕運過睢陽者餉軍留曹賦繇廣濟河以饋京師詔從之使益利兩路回舉所部三十餘人宰相疑其多濤乃陳諸吏治狀願連坐奉使舉官連坐自濤始後官至太子賓客卒范仲淹稱濤清淨而文出入朝廷三十年語默仁義進止於

青雲之衢徐徐如也歐陽脩銘其德納諸富陽之原子絳以國史謝絳傳歐陽修所撰謝絳墓誌范仲淹所撰謝賓客讀史詩序謝

氏家譜乾道志脩

謝絳

字希深以父任試秘書省校書郎舉進士甲科授奉禮郎知汝陰縣善議論喜談時事嘗論四民失業累數千言楊億薦其文召試擢秘閣校理判登聞鼓院吏部南曹天聖中天下水旱蝗起河決滑州上疏引洪範京房易傳政令逆時水壞國邑傷稼穡誅罰絕理大水殺人欲德不

用厥災荒上下皆蔽其咎早與脩

真宗國史遷祠部員外郎直集賢院以父濤官西京且老請通判河南府移書丞相言歲凶嵩山宮宜勿治絳雖在外猶數論事上書言妖人方術士不宜出入禁中權開封府推官言蝗互野入郭宜用京房息災異之術考功課吏除煩苛損聚斂勿起大獄勿用躁人郭后廢引申后褒姒事以諷徙度支判官言用物滋侈賜予過制禁中須索去年計緡錢四十五萬今春至四月已二十萬宜遞考歲用裁節初詔罷織密花

透背禁人服用既而內人賜衣復取於有司又後苑作玳瑁器索龜筒龜筒禁物民間不得有而索之不已絳皆論罷之又請罷內降詔令皆由中書樞密然後行知制誥判流內銓舊擬官圭田不均絳覈其實以多寡為差知鄧州脩復召信臣六堰壅水溉田未就而卒絳以文學知名脩絜醞藉平居晏然臨事果敢節操凜然所至大興學舍嘗請諸郡立學好施宗族喜賓客卒之日家無餘貲子景初景溫景平

以國史本傳東都事

畧歐陽修所撰墓誌脩

咸淳臨安志卷六十六

三

謝景初

字師厚 慶歷六年甲科及第直講梅堯臣作詩美之以大理評事知越州餘姚縣始作海塘防水患民賴以安業王安石嘗記其事累遷益州路提點刑獄以屯田郎致仕性倜儻勁峭博學能文尤長於詩子壻黃庭堅以詩名家庭堅自謂本從謝公得句法

以乾道志脩

謝景溫

字師直方總角時錢惟演見之曰此兒舉措不凡若非龍駒應是鳳雛後必上鄰伊周旁叶房

咸淳臨安志卷六十六

四

親族汝曹何咎耶惟汝欲其尚義寬厚多此類師事林逋逋篇翰為當時二絕杲卿盡得其妙天禧末年錢塘有巨石浮於江太守異之以問逋曰此何祥也逋以問杲卿乃按樵子五行志以應曰其當萬乘之身乎未幾

真宗上仙於是人服杲卿多聞而始知樵子之志為竒書杲卿早以經術自任晚傳其學於二子昌言昌齡同年取進士第昌言秘書丞昌齡屯田員外郎皆以學行政術知名

以強祠部文集脩

徐復

咸淳臨安志卷六十六

五

字希顏一字復之 康定中元昊叛詔求有文武材可用者宋綬林瑀皆薦復召見於崇政殿仁宗問以天時人事復舉京房易卦推所配年月日謂時當小過剛失位而不中宜在強君德問西方用兵如何復對太乙守中宮兵宜內不宜外 帝善其言復又獻所為邊防策太一主客立成歷洪範論 上曰卿所獻書當為卿留中欲官之復固辭乃官其子晞一作發留復登聞鼓院與林瑀同脩周易會元紀歲餘東歸仁宗高其行禮以束帛賜號冲晦處士復本莆

田人

一作建州

久遊吳因家杭州州將至必先加禮然復未嘗肯至公門范仲淹守杭數就復訪問甚禮重之仲淹嘗言西兵旣起復預言罷兵歲月又斗牛間嘗有星變復言吳當大疫死者數十萬人後皆如其言復嘗舉進士不中退而學易通流行卦氣之法遂不復進取博學無所不讀凡天文地理遁甲占射諸家之說讀之必得其宜因聽其鄉人林鴻範說詩之所以用於樂者忽若有得遂舉器求樂之本而曉然知律呂微妙動作之制時胡爰作鐘磬大變古法復笑

曰聖人寓器於聲今不先求其聲而更其器是可用耶復平居以周易太原授學者或勸其著書復曰古聖賢書已具顧學者不能求吾復何以微名後世哉晚取其所為文章盡焚之後其家有書十餘篇皆出於門人故舊之家復卒時年幾八十故人王稷居睦州欲徃省之復報曰來以五六月之交尚及見子稷未及徃至期復果已卒子晞年五十餘亦致仕官至國子博士復贈虞部員外郎復沒後十餘年沈文通守杭牓其居曰高士坊曾鞏過高士坊有詩云一畝

蕭然絕世喧抗懷那肯就籠樊功名晚更為餘
事蓄異初嘗出至言郡閤已空徐孺榻里人猶
識鄭公門斯文未喪如繇我後代當知李仲元
其為名公推重如此

以東都事畧本傳實錄附傳南豐集脩

俞舉善

錢塘人累世同居號義門明道二年旌表門

閭

以乾道志脩

楊蟠

字公濟杭州人登慶歷六年第嘗作錢塘百
詩詩起湖堂至西水亭各為一絕歐陽脩讀楊

咸淳臨安志卷之六

七

蟠章安集有詩云蘇梅久作黃泉客我亦今為
白髮翁臥讀楊蟠一千首乞渠秋月與春風王
安石有答蟠詩云讀足下之文但知畏之願造
請所聞蘇軾守杭蟠丞郡與軾倡酬平生為詩
數千篇最後知壽州提點荆廣鑄錢卒

以東都事畧文

藝傳六一文集荆公文集施司諫東坡詩註錢塘傳牧西湖事實叙乾道志脩

沈文通

名犯

高宗廟諱嫌名文通其字也錢塘人祖同以進
士起家父扶皆顯官文通以祖蔭補齋郎皇

祐元年舉進士第一以既仕降第二遂為故事除大理評事通判江寧府遷著作佐郎奏本治論十卷

仁宗語大臣曰近率以詩賦獻而沈某本治論可用也召試除太常丞集賢校理權三司度支判官時以科名入館者每不次用惟文通在三司四年始除脩起居注人以此稱其賢除右正言知制誥糾察在京刑獄出知越州始作學以館諸生徙知杭州遷吏部郎中

英宗召見勞問知開封府遷右諫議大夫翰林

學士羣牧使兼權吏部流內銓丁母翟氏憂葬母于杭廬墓側以卒文通少爽邁讀書一閱輒釋通達世務治杭鋤治姦蠹崇獎賢知後領開封人曰此杭州沈公也每晨視事日中則庭無留人與賓客飲笑終日京師怙然每問其佐曰幸告我以過無嫌雖言有不當亦降色安辭以受政號嚴明時有縱舍於良善貧弱撫恤尤至為文章得紙筆立成而知者少及為制誥遂以文學稱天下有西溪集十卷子隆嗣賢嗣

以王安石

所撰墓誌王安國所撰行狀東都事畧本傳陳直齋書錄解題修

沈遼

字睿達文通之弟也長於歌詩尤工翰墨王安石曾布皆學其筆法安石得其清勁布得其真楷遼登第後遊京師偶為人書裙帶內侍買入禁中

神宗初嗣位厲精求治一見不悅會遣使察訪兩浙就以諭之時遼為吳縣令遂遭劾安石救之不能釋乃坐削籍後卜居池陽有集號雲巢

編行于世

以王明清揮塵錄陳直齋書錄解題脩

陸誥

咸淳臨安志卷六十六

九

字介夫餘杭人進士起家召試學士院為集賢校理陝西鑄法壞以誥為提點刑獄視其利害誥上鼓鑄便宜詔悉行之累任荆湖南北陝西轉運使知桂州條上戍邊八事皆施行自智高之亂交趾浸彊誥案邊更張號令交趾大恐因遣使入貢辭禮加恭及張田代誥

英宗詔毋得改陸誥法召為天章閣待制知諫院除知延州

英宗曰廊延最當虜要今將何先對曰未審陛下欲安靜耶將威之也 上曰大抵邊陲當

安靜諒祚聲言復攻大順城詵謂不稍折請則國威不立乃請止留時服使者及歲賜諒祚大阻始謝罪供貢職改龍圖閣直學士知成都府青苗法出詵言蜀陝刀耕火種民食常不足至種芋充飢脫歲儉不能償官適陷之死地願罷四路使者并言差役水利事皆不當改詔省三路之使止置成都路提舉官一員熙寧三年卒蘇軾挽之以詩謂挺然直節庇峨岷謀道從來不計身屬纊家無十金產過車巷哭六州民詵所歷桂延秦鳳晉真定成都凡六州子師淵

咸淳臨安志卷六十六

師閔師雄師軻

以國史本傳及施司諫注坡詩脩

關魯

大中祥符五年以進士起家盡力於官歷守池台兩州為尚書郎年八十歸老錢塘陳襄為作鴻飛之詩謂其能以禮致仕而老成之德不衰可養于朝天子不用古禮留之為惜以皇祐四年卒八子景荼景元景仁希聲杞景山景宣景良皆學行脩立以進士同升者三人景荼希聲杞是也其後相繼第進士者又三人景仁其一也餘二人非舊名不可考景元以父任能

其官景仁字彥長性多能鍾律歷數草隸圖畫
無所不學尤長於詩以承議郎謝事四子解淳
演注皆舉進士

以古靈文集南豐集福昌縣君
傅氏夫人周氏墓誌曲阜集承

議關君
墓誌脩

關沼

字聖淵亦杭之名士登元祐三年進士第隱
士孔夷嘗有贈聖淵學士詩云吳越聲飛二十
年緇衣空復歎遺編紫芝眉宇風塵外太白文
章錦繡前可是石渠方載筆未應水國要歸田
他時雪裏相逢處能記騎驢孟浩然夷字方平

咸淳臨安志卷六十六

十一

號滄臯先生劉放韓維之畏友其稱沼如此則

沼之才望可知

以滄臯先生詩及曾
慥百家詩選小序脩

沈括

字存中父周錢塘人與文通之祖同為伯仲起
家進士為吏有名稱仕至太常少卿兄扶為國
子博士有吏材括博覽古今於書無所不通舉
進士為揚州司理編校昭文館書籍熙寧間
除太子中允後知制誥權三司使遷翰林學士
神宗嘗欲籍民車備虜括言古人所謂輕車者
兵車也今民間輜車重大推樸俗謂之太平車

恐兵間不可用

神宗遂罷籍民車括後以永樂事貶居京口號
夢溪翁自敘甚詳括以文學著嘗上熙寧奉
元歷編修天下郡國圖著述頗多有春秋機括
筆談長興集行於世括於文通為叔而年少於
文通嘗稱為括叔併遼世所謂三沈者也以南豐集

壽昌夫人沈氏墓誌東都事畧本傳
王明清揮塵錄陳直齋書錄解題脩

吳天秩

字平甫世為杭人幼聰悟勤苦博通強記無不
該洽學者多從焉然資恬退不嗜榮利未嘗曳

咸江臨安志卷六六

十二

裾公卿之門三預鄉薦唯一試禮部又出於親
朋之所強後遂絕意進取杜門著書梓茹自適
者幾二十年熙寧七年其兄少卿欲奪其志
以郊恩密薦而不之告補太廟齋郎久之不赴
調兄入朝迫之偕行授將仕郎南安軍大庾尉
又辭疾不往兄復以義趣之懼類於陵之哇乃
再調饒州浮梁尉到官逾年而歿賢士大夫皆
歎惜之元豐三年葬龍井塋有文集五十卷

以韋驥所
撰墓誌脩

強至

字幾聖杭州吳山里人少有志節力學問吳俗
喜嬉遊請謁至一切謝絕讀書屬文忘晝夜寒
暑鄉試為舉首其賦傳四方慶歷六年登進
士第遂悉破舊轍學古文尤積思於詩居官聽
獄訟不視勢高下輕重窮究辨析平反甚衆居
喪毀瘠過制其治終事一出己力不資於人最
受知於韓琦琦罷政事鎮京兆徙鎮相魏常引
至自助琦為詩合賓客屬和至獨思致逸發不
可追躡琦上奏及他書記皆至屬藁琦乞不散
青苗

神宗閱其奏曰此必強至之文也至有守一日
琦行一事不關由簽廳至翌日自言不稱職力
辭去琦謂小事故不相關至曰小事尚爾何況
大事遜謝數日乃肯畱琦數薦充館閣未及用
而卒官至祠部員外郎累贈金紫光祿大夫有
文集二十卷曾鞏為之序謂其文簡古不少貶
以徇俗鞏弟肇其壻也嘗祭以文謂以文起家
以行忱身崛起進士厥聲四馳歷試吏職民懷
去思世以為實錄子浚明淵明陟明皆登進士
第淵明字隱季仕最顯贈資政殿學士

強幾聖文集序曲阜集強祠部
行狀祭文及乾道志淳祐志脩

王復

蘇軾云處士王復家錢塘為人多伎能而醫尤精期於活人不志於利築室侯潮門外治園圃作亭榭以與賢士大夫游惟恐不及然終無所求人徒知其接花藝果之勤而不知其所種者德也乃以種德名其亭而遺以詩云小圃傍城郭閉門芝朮香名隨市人隱德與佳木長元化善養性倉公多禁方所活不可數相逢隨相忘但喜賓客來置酒花滿堂我欲東南去再觀雙

蘇軾詩集卷之六

十四

檜蒼山茶想出屋湖橘應過牆木老德亦熟吾

言豈荒唐 以東坡詩集脩

韋驥

字子駿錢塘人生而警敏年十有七以文謁王安石見其借箸賦大奇之曰吾行江南入吳越見文士唯子與董顧行耳由是籍甚每一賦成學者傳誦皇祐五年登進士第累遷至屯田員外郎官制行改朝奉郎主少府監簿元豐中遣使高麗選書狀官宰執以驥名聞召試牋啓驥辭不就元祐初詔近臣舉可任諸路使

者韓維李常楊汲等皆薦驤擢利路運判移福建路年饑咸議請賑貸驤曰閩去京師往返數千里今民朝不及夕若上書待報是冠冕從容以救焚溺也乃檄州縣發廩而請違法之罪於朝全活甚衆閩盜阻險為數州患官軍屢到吏畏怯爭言盜勢猛熾請招納驤曰閩盜狃於姑息曩者彭孫廖恩皆緣此列官於朝故姦民以怙山谷市凶慝為得計若遵前軌是為民稔惡因處畫斬捕方畧成就法部內肅然召為主客郎中久之出為夔路憲知明州乞閒提舉洞霄

宮子壽隆以 崇寧四年守衢迎驤就養卒焉年七十三驤秀眉冰骨樂易靜退孝友廉平文章藻麗一時推先後復以政事彰聞率德勵行有宿儒循吏之風將沒猶料理平生文藁示子孫曰吾志在此有文集二十卷賦二十卷壽隆至 建炎初為給事中次壽朋壽松壽卿壽成壽佐

以陳師錫所撰墓誌
李心傳繫年錄脩

周邠

字開祖錢塘人 嘉祐八年登進士第 熙寧間蘇軾倅杭多與醜唱所謂周長官者是也軾

後自密州改除河中府過濰州邠時為樂清令以鴈蕩圖寄軾有詩軾和韻有西湖三載與君同之句後軾知湖州以詩得罪邠亦坐贖金元祐初邠知管城縣乞復管城為鄭州有興廢補敗之力由是通判壽春府見蘇轍所行告詞後知吉州官至朝請大夫上輕車都尉其亾墓在南蕩山邠係元符末上書人至崇寧初第為上書邪等政和元年又為僧懷顯序錢塘勝跡記蓋歷五朝云姪邦彥

以九朝通畧東坡年譜及乾道

志脩

周邦彥

字美成少涉獵書史遊太學有雋聲元豐中獻汴都賦七千言多古文奇字神宗嗟異命左丞李清臣讀於邇英閣多以偏傍言之不盡悉也由諸生擢太學正其後留落不偶紹聖中除祕書省正字徽宗即位為校書郎累遷衛尉卿出知隆德府徙明州以祕書監召賜對崇政殿上問汴都賦其辭云何對以歲月久不能省憶用表進入帝覽表稱善除徽猷閣待制提舉大晟府知真

定府改順昌府提舉洞霄宮卒年六十邦彥能
文章妙解音律名其堂曰顧曲樂府盛行於世
人謂之落魄不羈其提舉大晟亦由此然其文
識者謂有工力深到處聲鏡鳥几之銘有鄭圃
漆園之風禱神之文倣送窮乞巧之作不但詞
調而已自號清真居士有集二十四卷

以東都
事畧本

傳王明清揮麈錄樓鑰清真
集序陳直齋書錄解題脩

周邦式

字南伯著名錢塘少好學中元豐二年進士

第主楚州寶應簿調祥符尉知封丘縣通判磁

州鄆州提舉秦鳳等路常平王厚以節度使鎮

臨洮其弟孚通判秦州主饋運司挾厚勢一切

委吏嬉宕自如役夫潰去朝廷命邦式體量劾

奏不少屈孚竟以罪去提舉江東常平為淮南

運判徙梓州路入對留為尚書度支郎中邦式

夷澹不樂中都官復出提點淮西刑獄徙兩浙

又徙江東京師方大營土木命京殿材邦式奏

言非地所產遂已有施炳者以累舉得州文學

從其子官金陵與郡僚會飲霑醉妄斥宮禁

事為仇家所告邦式被命治詔獄炳自分必死

比獄成纔坐遠徙不旁及一人代歸得知宿州滑州皆不赴提舉南京鴻慶宮歲滿復自請凡十二年乃起知處州辭不行積官中大夫卒年七十五子芑蔚茂芑知名

以實錄附傳脩

虞奕

字純臣錢塘人元豐八年舉進士第崇寧中提舉河北西路常洺相饑徙東路入對徽宗問行期對曰臣退即行流民不以時復則來歲耕桑廢矣上悅西部盜起徙提刑自詭討賊悉降之入為開封府少尹故時大理開封治

咸淳臨安志卷六十六

六

獄得請寶蔽罪其後悉任情棄法奕言廷尉持天下平京師諸夏本法且不行何以示萬國請自今非情法實不相當毋得輒請寶從之遷戶部侍郎內侍總領左藏予奪頗已視戶部如僚屬奕白宰相曰計臣不才當去之而易能者不可使他人侵其官即自劾不稱職詔為罷內侍卒贈龍圖閣學士

以國史及乾道志淳祐志脩

吳師仁

錢塘人陳襄為郡守嘗薦于朝曰選請到本州進士吳師仁在學充教授本人履行淳正器識

高遠嘗肄業太學名聞搢紳應舉不第退歸田里甘貧守道專治忱明義理之學而不為異端之說伏望 聖慈令充本州州學教授襄之稱師仁如此其賢可知

以古靈文集薦劄脩

吳師禮

字安中師仁之弟 熙寧間中上舍選 元豐五年賜進士第 元符初除祕書省正字以預餞鄒浩免 建中靖國初任開封府推官擢右司諫改右司員外郎師禮工翰墨

徽宗嘗訪以字學對曰 陛下御極之初當志

其大者臣不敢以末伎對聞者獎其知體以直祕閣知宿州卒初師禮未冠游太學時兄師仁為正守春秋學他學官惡之條其疑問諸生師禮悉以兄語對學官怒鳴鼓坐堂上衆質之師禮引据三傳意氣自如江公望時在傍心竊喜後相遇於泌陽公望謂曰得志當如何曰當為人作豐年耳由此定交及詔師禮按治蔡邸事時公望為左司諫

徽宗問公望以師禮之為人公望以賢對故擢右司諫云子說字傳朋亦有書名

以九朝通畧乾道志淳祐

志脩

崔貢

字廷碩仁和人端重有學識履行飭備黨里咸
敬事之 大觀中詔天下郡縣保任士有孝弟
睦婣任恤中和八行者貢入太學司成考驗以
聞釋褐命官 政和五年郡太守董正封舉應
詔以禮延致於學授密州文學卒鄉人尊之曰
八行先生後仁和縣學立三賢祠實與褚文公
許荊州並祀焉 以乾道志
淳祐志脩

李執

咸淳臨安志卷之六

二

字彥淵富春人

崇寧二年登進士第中

大

觀三年宏詞科時試新建書學記以 國朝會
要所檢閱改官刊正謚法進秩宣和初提舉廣
東市舶居官守廉直自歎理財非長然船場珍
貨一毫不取未幾船商輻湊召回盜邀之及胙
篋隨行書帙而已盜亦斂衽退避時兵戈擾攘
執輿親歸里奉祠其後提舶與執殊轍 紹興
間舶商遂以執嚮來清節聞于 朝除比部郎
序遷吏部誥詞有曰執也清秦檜欲以子與執
女為婚執却之遷將作監檜屢遣子就學執曰

吾為天子卿監豈為宰相教子遂勾外持憲
閩部易江東既忤權臣累奉祠不復榮望卒年
七十七執淡泊寡欲廉直之節載在國史晚年
謂貪與癡已絕獨嗔未盡去因榜小室曰去嗔
有去嗔居士集

以李大監行實
科記宏詞總類淳祐志脩
大宋登

滕茂實

字秀穎臨安人父中以承議郎知解州茂實登
政和八年進士第靖康元年以工部員外郎
假工部侍郎副路允迪出使虜時茂實兄禔通
判代州已先陷虜黏罕素重茂實乃遷之代州

又自京師取其弟華實同居以慰其意茂實聞
淵聖皇帝將至乃自作哀詞及篆宋工部侍
郎滕茂實墓九字裏以奉使黃旂以授其友人
朔寧府明士曹董誥屬以後事翌日

淵聖及郊茂實具冠幘號哭迎拜黏罕逼令胡
服茂實力拒不從士民見者皆為泣下自是拘
留以憂憤卒時建炎二年八月也三年董誥自
拔歸張浚以為陝西轉運判官誥乃錄其哀詞
使其同歸者羅鉞來獻其詞曰滕茂實奉使無
狀不復返父母之邦得全臣節以死幸以所仗

節旛裹其尸有篆字九葬於臺寺下不必封植
萬一從請知死窮微則為乞骸骨歸悉如前禱
自作哀詞幾於不達方之淵明則不可亦庶幾
少遊之遺風也壘鹽老書生謬列王都官索米
了無補從事敢辭難殊鄰敗盟好仗節來榆關
城守久不下川塗望漫漫儉輩果不惜一往何
當還牧羊困蘇武假道拘張騫流離念窘束坐
閱四序遷同來悉言歸我獨留塞垣呼天曾不
聞痛甚傷肺肝相逢有兄弟悼歎安得歡金人
自南歸得志鞍馬間波瀾卷大廈一木乃求安

世事寧有此聊發我所存爵祿非所慕金珠敢
懷貪縱或違我心渠不汗我顏昔燕破齊土羣
臣望風犇王蠋獨守節燕人有甘言經首自絕
脰感槩今昔聞未嘗食齊祿徒以世為民况我
祿數世一死何足論遠或死江海近或死朝昏
殮我不須衣裹尸有黃旛題作宋臣墓篆字當
深刊我妻尚少艾兒女當童顏四海無置錐飄
流倍悲酸誰當給衣食使不厄飢寒歲時一酌
我猶足慰我魂我魂自悠悠異鄉寄沉寃他時
風雨夜草木號空山至是浚亦以其事上於朝

詔宣付史館時褒錄之首紹興二年二月贈龍圖閣直學士官其家三人後謚忠節以實錄附傳國史忠

義傳繫年錄修

史徽

字洵美一字東美鹽官人勤苦力學登崇寧五年

進士第累遷太常博士時饗太廟以官者押祭

徽建議罷之進戶部郎官出為京西運判

徽宗下詔罪已罷西城所徽悉焚其租籍進右

司郎中以疾致仕

高宗即位復起為司農少卿建炎三年與黃

咸淳臨安志卷六十六

三三

鶚扈駕至江口俱遇害後特贈左太中大夫

右文殿脩撰子龜年均年岑年龜年岑年皆至

員郎均年與龜年之子驪亦皆入仕以實錄附傳及海昌

圖經

沈晦

字元用翰林學士文通之孫博覽強記善綴文

宣和元年第一人及第時將赴京師過天長夢

身騎大鵬搏風而上因作大鵬賦以紀其事及

廷試策問象數人艱於對惟晦談通贍洽

天子覽而異之遂擢居首選焉未幾以著作佐

郎隨肅王使虜頗歷艱苦後除給事中命隨寢
歷守數郡進徽猷閣直學士卒晦膽氣過人而
脫畧法度雖累致人言其當官而行才具亦不
可掩云

以實錄附傳繫
年錄分定錄脩

咸淳臨安志卷之六十六

咸淳臨安志卷之六十六

三四

咸淳臨安志卷之六十六

何林云

平縣令
實錄州制

類各去其負輟累煙入言其當官而亦不

置官建職並燔燼閣直學士卒晦胆氣過人而

有詞肅王封賞融恩曠苦於制命事申命制

咸淳臨安志卷之六十七

人物

列傳

張九成

字子韶益官人性穎悟八歲默誦六經十四鄉貢辟雍游京師從楊時學權貴托人致幣曰從吾游當薦之館閣九成笑曰王良尚羞與嬖奚乘吾可為貴游客耶 紹興二年將策士詔考官直言者寘高等九成對策謂禍亂之作天所以開聖人上及

咸淳臨安志卷之六十七

兩宮忠憤激烈下及闈寺無所顧避

高宗感動擢置第一楊時遺九成書曰廷對自中興以來未之有非劉大之氣不為得喪回屈不能為簽判鎮東軍究心視事吏不能欺嘗大書屋壁曰此身苟一日之閑百姓罹無涯之苦民冒讎禁提刑張宗臣觀望左相逮捕數十人九成力爭不從投劾而歸趙鼎薦之召入著庭時樊光遠首南宮汪應辰魁大對 上語九成曰殿省舉首皆卿門人對曰臣不敢以利祿之說誘其徒惟知講明經術庶盡忠孝除浙東提

刑力辭陳公輔劾其驕飾詔與小郡又辭乃與
祠未幾召除宗正少卿遷禮部侍郎尋兼侍講
進讀春秋因論日食曰日食之變本于惡氣惡
氣之萌本于惡念上觸于天則日月薄蝕吾星
失序下觸于地則菑及穀怪妖迭見 中觸于
人則為兵為火札瘥並至願 陛下正心術以
格天 上聳然曰當為卿戒之 上問易牛微
事耳孟子謂是心足以王朕竊疑之九成曰不
忍一牛仁心著見王道之端倪推此心以往則
華夏蠻貊根莖鱗介皆在 陛下仁政豈非王

道乎 上謂近臣曰朕于九成所得甚多兼權
刑部侍郎先是刑部斷死囚不以請自九成泣
職情輕免死者甚衆一日法寺以大辟成案上
九成閱始末得其情因請覆實囚果誣服者理
官抵罪朝論欲以平反為賞九成曰致人以罰
而已幸賞豈士大夫所為固辭 上問和議九
成曰虜情多詐不可不察檜甚惡之九成以趙
鼎黨求去 上命除待制出守未幾謫守邵州
何鑄言其附趙鼎落職丁父憂服除詹大方論
其謗訕謫居南安軍凡十四年談經自樂因自

號橫浦居士檜死以秘撰起知溫州去倍輸罷
柑宴蠲喪葬沽酒民至感泣以目疾丐祠 紹
興乙卯卒 上嗟悼復敷文閣待制官其子若
弟四人學者稱為無垢先生有尚書中庸大學
孝經語孟說無垢語錄行于世

理宗以九成有明道之功特贈太師追封崇國

公謚文忠

以國史本傳中興繫年錄中興編年綱目紹興正論小傳無垢語錄祐淳

志修

凌景夏

字季文餘杭人 紹興二年對策第二品願浩

歲時臨安志卷六十七

三一

稱其詞勝張九成任紹興府觀察推官帥綦崇
禮薦于上六年擢秘書省正字八年遷著作佐
郎九年景夏與館職胡瑄朱松張廣常明范如
圭等六人共奏封事言和議非便奏檜憾之十
年除工部員外郎檜罷兵斥景夏知外郡及閑
居凡十餘年二十五年檜死二十六年除軍器
監尋除起居舍人兼權給事中景夏言 紹興
二十一年詔臨安府見推排等第依在京例與
免令有司乃以和買役錢難以減放止與西北
流寓人蠲除土著人戶反成偏重夫土著流寓

皆 陛下赤子德澤之施寔先京師契勘兩縣
在城營運浮財物力所輸和買絹數止二千六
百餘疋望依已降指揮並與捐免庶德澤使無
偏詔令有信戶部看詳如其請遷中書舍人未
幾直龍圖知撫州二十八年知襄陽府二十九
年知鼎州奏免程昌禹所增蔡州官兵衣糧六
萬四千餘緡詔減四分之一徙宣州三十年加
集英殿修撰三十一年除吏部侍郎景夏言

慶曆三年編定勲臣凡二百四家逮 建中靖
國元年續編一百一十六家許子孫陳乞恩澤

臣竊謂 宗觀以來至陛下即位經涉艱難衛
社稷捍牧圉者略而未編亦一闕也望檢會

宗觀以後勲業著于 國史者接續編定以勸

忠烈事下吏部後不行十月扈從 親征三十

二年奏論吏部七司有法有例法可按籍而視

例則散于案牘之中匿于胥吏之手官有去來

不能遽知故索例而不獲雖有強明健決之才

不復敢議臣愚以為吏部七司宜制例冊凡經

取 旨或堂白者每一事已命即官畫時擬定

長貳書之于冊以為例每半年則上于尚書用

印給下如此則前後于決悉在有司之目猶吏
無所措巧銓綜漸以平允詔吏部措置申省

紹以

興正論小傳戊午謹議中興
繫年錄中興編年綱目修

樊光遠

字茂實錢唐人少從張九成學 紹興五年南
省奏名第一八年除秘書正字九年光遠上疏
言臣竊觀今日士大夫之論莫不以金人詭詐
為可憂臣獨曰詭詐不足憂而信寔深可惧也
臣願陛下勿以得地為喜而常以為耻勿以
甘言為悅而常以為憂勿罪忠謹以養敢言之

咸淳臨安志卷六十七

五

氣勿喜迎合以開濫進之門勿盡民力宜愛惜
之以固根本勿沮士氣宜聳動之以脩緩急十
年八月秦檜將遂休兵罷為閬州教授二十六
年召為秘書丞俄特引對光遠言頃年大臣挾
權修怨不平其心臺諫之所排擊法寺之所鍛
鍊告訐之所中傷其間又有因責降而死者夫
嘗與聞朝廷之政親陪甘泉之班矣及子而無
一任之祿宜聖心之所深憫望明詔有司凡曾
任執政侍從死于責降而子孫未有官者許令
自陳與復官職錄其子孫 上曰甚善當今看

詳檢舉 上又曰朕與卿不相見今幾年光遠
曰臣得外任逮今十有六年 上曰朕所以令
卿上殿欲除卿察官光遠頓首辭于是遂除監
察御史二十七年遷工部員外郎尋請補外知
興化軍二十八年除福建路提點刑獄二十九
年十月徙知嚴州時三衙誘略近郡平民為軍
三十年光遠奏乞禁止今後遇有闕額均下諸
州軍招填詔三衙自今止以見管兵為額光遠
又言本州歲輸御爐炭七萬四千五百斤而不
償民間之直 上亟為罷之

以中興
小傳修

即曄

事同里張九成嘗編橫浦日新錄雖從 淳熙
十四年特奏得官然甚以儒學知名

以橫浦日
新錄海昌

國經
修

郭知運

字次張益官人幼立志問學弱冠登 紹興進
士甲科時相強與為姻知運弗樂訖停昏焉仕
至荆門守俸求祿仕自號息菴老人卜居雙廟
之西嘗題詩于廟云唐祚中不振孽胡恣姦驕
君德弗克終治乱在一朝渠魁睥神器四海俱

動搖向來為厲階其迹已冰消中興功孰盛張
許冠百僚堂堂二公烈千古名不凋義胆極華
嶽宗肝齊斗杓平生慕節義卜居祠匪遙丹青
就湮鬱古屋風蕭蕭英靈如可問激懦討昏妖
知運有文集四十卷名猥藁云

以中興登科小錄海昌圖經修

施德操

揚子平附

字彥執益官人學有本末主孟子以排釋氏曰
絕人倫漫等級弃禮樂仁義不用為能躡造空
無此其勝處槩之以道尚自顛倒後先况又飾
荒幻報應誑愚取資則尤為世蠹因著為論以

咸淳臨安志卷六十七

七一

曉未晤實有強立不感之見揚子平同縣人名
犯

今上皇帝御名子平其字也安貧樂道不妄取
予謹獨之操閤室猶康莊也二人身塞而譽不
宏然里人嚮慕與張九成等 淳熙四年縣令
魏伯恂祠九成于學以德操子平佐號三先生

以刑部侍郎程大昌所撰益官縣學三先生祠堂記修

閔注

字子東世為錢唐人登 紹興五年進士第嘗
教授湖州與胡爰之孫滌裒爰遺書得易解中

庸義藏之學官又錄爰言行為一秩汪藻為之序稱注之意在于美風俗新人材官至太學博士卒注自號香巖居士有閑博士集二十卷

淳溪文集陳直齋書錄解題修

姚興

舊名叔興新城姚村人有勇力善武藝為統制官隸王權 紹興三十一年元顏亮入寇兵至和州尉子橋興以一軍三千人力戰權置酒仙宗山上擁群刀斧自衛殊不援興與殺虜數百以援不至而沒 朝廷為之立祠以表其忠

威遠臨安志卷六十七

寧宗朝復加追贈制曰烈士殉國未嘗計身後之榮人主褒忠蓋將為天下之勸矧予名將著節 先朝茲覽從列之抗章追想壯猷而興慨肆頒顯渥用發幽光故佑武大夫建康府破敵軍統制贈襲慶軍節度使姚興可特贈開府儀

同三司

以中興編年綱目彭百川治迹統類及新城續圖經修

楊由義

字宜之父奉直 建炎初以正將扈蹕寓杭兀木犯杭奉直禦敵由義母及妹避地海昌 虜卒至母曰汝父必死國難我當死婦節携女沈

運河由義被執累日而逸領漕薦不第館于諸公之門吏部朱松嘗延請以誨其子熹後以父恩補右階監贍軍南庫 隆興初盧仲賢使虜辱 命由義請行以閣門祇候密院幹官充奉使金國通問審議官虜折之使拜由義誓死不屈全節而歸有 旨換通直郎詞曰黑肱之為子木先冀獲成言之信鄭衆不對單于拜蓋其自誓之堅後官至刑部侍郎轉朝奉大夫卒于鹽官私第朱熹欲銘其墓嘗曰忠義大節夷夏稱歎會熹卒不果子九鼎字牀鎮以父任入官

帥襄漕夔有善政後易利漕帥天漢虜剽大散關九鼎疾驅駐河池縣復大散關又復皂郊殺偽元帥元顏阿璘後虜忿兵再至九鼎死守清野原除太守少卿總領蜀賦時都統吳政戰沒麾下兵潰虜據漢中擣大安軍九鼎檄張威何進勸虜于三泉匹馬不返會蜀有新帥首招潰卒至雞公嶺復叛帥挾印兵以遁有勸九鼎遁者荅曰九鼎有職守不可去賊至遂遇害後宣聞戮叛卒奏九鼎以死守職乞厚加卹典以勸盡忠有 旨贈五官至朝議大夫又于所談恩

澤外特官其子三人

以海昌國經
所載家紀修

俞烈

字若晦杭之臨安人祖徹與張九成凌景夏齊名貢辟癰弗果行烈少警敏淳熙八年試禮部第一十五年以太學錄轉對論浙西圍田為運河及民田之害乞精選郎官與漕臣按視開復

孝宗曰如此則是受水之地狹當如鄉言遣官相視遷太學博士

光宗即位轉對乞酌咸平元祐之制日輪

咸平臨安志卷六十七

十一

講讀官內直以備訪問又論三省批送文字文移回復為胥吏請求之資乞操縱伸縮權在朝廷無為舊例束縛紹熙改元進國子博士慶元三年為秘書郎年餘出守嘉興上供及額即止恐貽後害不肯增緡錢以受最賞六年為司封郎官論民間義役官司不得干預乞下勅令所公共詳定尋借戶部尚書差充接送金國弔祭使除起居舍人明年二月護虜使元顏充絕江充曰好箇大整烈曰此謂天整國信往來幸無風耳充曰舟大何恐烈曰江流湍迅舟大

不足恃也語未既風起濤驚舟為俯仰虜使皇
惧尋充報謝使 嘉泰四年除秘書監尋除中
書舍人論駁不撓永州祁陽縣舊有韓兩府祖
墓有隣近于其墓禁內伐竹十五竿以蓋墳蓬
法司先引律盜人墓木者杖一百繼以觀望佞
胄嫌于太輕輒引持杖竊用法烈駁奏忤佞胄
論去家居五年 嘉定初知慶元府鎮以清靜
移知鎮江府時淮民流移充斥多方拯救孩提
弃擲募為鞠養至春民思歸業厚為津遣郡有
大夾崗小夾崗乃漕運路兩餘泥深牽夫失足

輒墮十尺下烈為斃之始無陷溺歲旱河溢烈
命車江水入裡河舟行無由權吏部侍郎乞濬
練湖通漕廣溉兼中書舍人未嘗懲往事少屈
勲戚濫恩貂璫佚罰宮掖黃緣干請多格不行
尋兼侍讀真除吏侍進讀通鑑至唐景龍中斜
封墨勅因言中宗不用太宗制度不由中書審
覆門下審讀人主當以為戒又讀

孝宗聖政至郊祀不買象事拱而言 淳熙以

前郊祀必用象

孝宗超然遠覽以為大禮初不繫此喚回買象

使臣可謂達禮之本矣以六年卒官號盤隱居士有盤隱詩編掖垣制草奏議北征等集

以程
珙所

撰俞侍郎
行狀修

余古 錢唐人

光宗初罷遺補官近臣罕進言者 紹興二年五月古以布衣上書曰恭惟

皇帝陛下春秋鼎盛自即位以來星見再周當思付託之重朝夕勉惟求治之道乃或不然間者側聞宴游無度聲樂不絕晝之不足繼之以夜宮女進獻不時伶人出入無節宦官侵奪權

東坡志林卷六十七

十三

政隨加寵賜或至超遷 內中宮殿已歷三朝何陋之有奚用更建樓臺接于雲漢月榭風亭不輟作深為 陛下不取也古自宦官敗國備載方冊今上而三省下而百司皆在此曹號令之下蓋自副將而至殿步帥各為高價但如其價則有特除此為害之大者良由公卿持祿保位備員全身如漢之石慶唐之蘓味道滿朝皆小人也 陛下果能以漢文帝為法唐莊宗為戒即乞昭示詔旨嚴下約束除大常樂工立定員數凡俳優抵戲皆放而為民美女麗人自今

無獻宴開以時酒進有數宦官不得干預朝政
佞倖悉去忠良並進 陛下求不垂拱以高揖
羲皇亦不得也問安視膳之餘宮庭燕閒講讀
經史頤神養性享名教不窮之樂固嵩岳無涯
之壽豈不休哉 帝覽書震怒始議特 旨編
管言者救之乃送秀州聽讀 以朝野
雜記修

趙鞏

字子固錢唐人登 乾道八年進士第嘗奉使
金虜虜主問皇帝清問下民賦非所作乎嘆服
其文學子從游者甚衆號西林先生 慶元禁

偽學鞏以秘閣修撰知揚州入黨籍云

以國史
及淳祐

志修

俞灝

字商卿世居杭父徙烏程登 紹熙四年第仕
東淮宣撫立密令佐畢再遇救山陽灝料虜必
窺采石請回軍石梁河以遏其鋒虜鑄虛不入
而遁再遇知揚州盪平湖海多灝計畫再遇欲
誅脅從者救活甚衆 開禧議開邊政府密引
灝言輕脫寡謀之人不可信趙良嗣張覺往徹
可鑒歷麾節皆有聲 寶慶二年致仕築室九

里松買舟西湖會意處竟日忘返以詞詩自適
號青松居士有集

以洪平齋所撰行狀修

洪咨夔

字舜俞於潛人父鉞號谷隱有詩名咨夔風骨
頎秀為文典麗談洽登嘉泰二年進士第繼
中教官調饒州教授應博學宏詞科有司竒其
文時相惡人以科目自致報罷遂從崔與之帥
淮鎮蜀以直諒風議聞知龍州龍產砂永不取
銖兩毀鄧艾祠改祠武侯

理宗即位除秘書郎遷金部陳朝廷四輕之弊

安志卷六十七

十四

且言濟邸之變非陛下本心時相惡之移考
功以李知孝論鑄罷咨夔出蜀時得書數千卷
藏蕭寺父子考論諷誦學益闕肆紹定六年
冬

理宗始親政召為禮部郎官入對言帝王運英
明之略莫先于養英明之氣上問今日之務
何急咨夔奏當進君子退小人開誠心布公道
又問近日事体如何咨夔言進擢收召未免混
淆若大受用皇極之道精擇用春秋之法則兩
盡矣又問在外人物咨夔言崔與之全德之老

可為朝廷重真德秀魏了翁當聚之本朝翌日
御筆除監察御史即上疏言中書積弊四事凡
清議所不與者率論去之 端平改元乞降詔
求言又奏聖學之所當誦明者六又乞寬民力
條具其目皆剔括宿弊懇懇力言北伐議起咨
夔乞奏厚東南之根本制西北之枝葉時京闈
以金減函獻虜酋守緒骨將告太廟獻俘受馘
咨夔奏謂虜酋自焚撥寒灰認殘骸孰識其真
惟當告 九廟以祖宗之德澤統緒靈長坐閱
大讎之滅不可以俘獲為夸又乞守靖定緩經

營一意備守除殿中侍御史王定自都司除察
將搖善類咨夔劾之定左遷咨夔擢中舍書人
益振職繳回三亩守兩帥垣之命兼吏部侍郎
兼同修國史二年同真德秀知貢舉多得博洽
端亮之士兼直學士院時故相之黨有予祠者
咨夔指其為蔡卞命遂寢兼侍讀又兼給事中
上疏謂比年徇私成習以一公鑠萬私惟 陛
下爾而好學營繕親厚近屬保護舊臣未能無
係累又乞為濟邸立後三年除給事中陞侍讀
仍兼內制時有自詭和韃除刑書者咨夔繳駁

之乃出獻緝熙箴 上嘆其忠以病丐閑拜翰
林學士知制誥兼侍讀兼修國史除端明殿學
士領內祠仍史讀六月薨轉四百遺表聞 御
筆咨夔鯁亮忠愨有助親政特與執政恩例又
贈兩官蠲忠文咨夔研窮經史馳騫藝文蔚為
近世詞宗自號平齋有兩漢詔令三十卷擘抄
一百卷春秋說三卷外內制及賦詩文三十二
卷奏議三卷子勲燾燾皆能紹其家學勲字伯
魯以鎖廳登淳祐四年進士第少為崔與之魏
了翁所知仕至兵部尚書嘗為詞臣發明 先

皇與 子之意人稱其有父氣骨贈端明殿學

士謚文靖

以實錄附傳平齋文集
淳祐志及勲謚議修

趙汝談

字履常

太宗皇帝八世孫居餘杭登 淳熙十一年進
士甲科周必大見其文異之趙汝愚定大策多
與參訂獨廟議請從朱熹捐節鉞與韓侂胄俾
居外汝愚不以為然未幾汝愚去國汝談與弟
汝璫昌言侂胄之非于是並罹黨禍斥出國門
依祖墓以居者累載因得肆志于學問詞章除

太社令侂胄開邊汝談憤形辭色一日登壇讀
祝大呼侂胄及陳自強名自強甚不堪汝談不
為動以李壁薦召試館戰葉適謂二十年館職
策無此簡切除正字以言去得祠通判嘉興府
改知無為軍時金虜內變有 旨獻料敵備邊
二策改湖北提舉時抹荒全活甚衆又以趙蕃
黃榦劉宰應詔士論躡之除温州改知西外宗
正蒙國貢寶玉稱賀表用却走馬以糞為諷時
相不悅語同列曰趙西宗天下秀才宜為文字
官惜不少屈除江西提舉

理宗即位賀表力寓勸戒真德秀目為諫書除
西江運判以言去家居八年注易詩書三禮語
孟荀子莊子通鑑杜詩一字不入修門 端平
更化以禮部郎召兼學士院權直制詞尔雅深
厚盡沈纖弱之習除秘書少監兼權直學士院
時議北伐汝談力以母輕試為言三京收復獨
有憂色進思無邪母不敬箴除宗正少卿兼權
直學士院又兼崇政殿說書時真秀德除翰林
學士知制誥與汝談並當制號二妙除吏部侍
郎陞侍講兼直學士院以言去提舉崇禧觀除

集英殿修撰知婺州抵郡四月以疾丐祠除權
禮部侍郎兼直學士院力辭兼直除侍講又除
兼直五辭除給事中權刑部尚書 嘉熙元年
八月辛丑卒官汝談生 乾 淳間親炙當世
大儒初見朱熹訂疑義十數條首貢大學旁及
群經熹嗟異稱賞蔡元定願為忘年交又與呂
祖儉柴中行項安輔廣切瑳故問學 沈著仕
進恬然在溫陵又與陳孔碩黃榦交好為密楊
長孺時帥閩亦使來問政為文有西漢風其瑰
琦精妙又如琅玕瑤碧然模倣者輒不逮子崇

鳳澤縣志卷六十七

十八

豫繼卒至孫必海始請謚 景定四年謚文懿

以趙汝騰所撰
行狀及謚議修

趙汝謫

字蹈中汝談之弟以祖廕補承務郎韓侂胄逐
趙汝愚時汝謫監左藏庫上書乞留汝愚斬侂
胄由是侂胄使其黨再攻汝愚以汝謫兄弟為
言首坐是廢斥者十年後登 嘉定元年進士
第除大社令累遷司農丞知漳州遷湖北倉改
湖南易江西除憲遷湖南漕除江東憲辭除直
秘閣廣東經畧又辭仍舊職知溫州以十六年

夏卒于郡除直煥章閣致仕初侂冑得權汝謫
首明其為賊屢瀕于死事定反罹猜忌自號懶
菴然將旨江湖威聲聳動襄帥趙方嘗力荐倚
為代 嘉定兵端再起獲黃摑阿魯答羈于潭
州汝謫時將漕欲存金以藩韉厚遇之黃摑吐
實曰我國若相蒙古網好 大朝而專脩韉可
保無虞以二蠟彈獻汝謫未能白其策而死于
溫黃摑在潭聞之亦死其規之畫不遂者如此
汝謫穎悟英特與汝談齊名稱二趙葉適謂其
韓篇杜筆高出于時蓋兼言之也然汝談為已

詩不進反推汝謫晚愛常蘇州詩其在潭以詩
寄適識者謂如高漸離擊筑過市後挽適有古
調朱絃外長謠碧水陰之句世推其工二子宗

陶崇龔盖以劉陶劉龔命名云

以葉水心文集
王象祖所撰行

狀王夢龍所撰蹈中詩
集序趙汝談跋修

李宗勉

字強父富陽人

開禧元年試禮部第二為江

西運幹真德秀曹彥約薦之

嘉定十四年除

吏部架閣

紹定元年累遷著作佐郎輪對言

山東之旅名曰忠義寔則桀黠資以脩虜而備

之者甚于虜明年兼權兵部郎官又言虎卧垣
墻防姦禦變寧過母不及時李全叛形已露人
莫敢言宗勉獨累疏及之尋改兼侍右郎官四
年知台州時洪水蕩析悉力撫綏台人德之明
年直秘閣知婺州六年冬召未赴 端平元年
進寶章閣因任尋召除尚左郎中兼右司尋兼
左司面陳救楮之策願自乘輿宮掖下至百司
庶府覈冗蠹節浮泛歲省十萬則十萬之楮可
捐省百萬則百萬之楮可捐久而錢楮相當則
盈縮之柄自不在楮擢監察御史時謀出師汴

洛宗勉言願爰日力以修內治合人謀以嚴邊
防毋以近利妨遠圖毋以虛名受寔害謀報鞋
欲入寇復傳虜退宗勉言有餘則密不足則張
揚聲大舉者未必果來卷甲斂藏者未必果靜
進左司諫明年春兼侍讀四月除殿中侍御史
時史嵩之就鄂建閫宗勉言淮西當南北之交
乞別除鄂守令嵩之移司齊安又率合臺奏乞
分上流淮西淮東為三帥而以江淮大帥總之
以公私之財分給四處招募強壯大為扞禦之
圖七月除工部侍郎兼給事中仍兼侍諍復上

疏言憂勤不可移于宴安劇切不可銷于便佞
九月除諫議大夫兼侍讀屢言邊事虜使王檝
宜早遣其回 嘉熙元年二月除端明殿學士
同簽書樞密院事八月進簽書時王檝復來督
府主和宗勉言國書不類夷語實有可疑督府
職在督戰當掃除邊郡之哨馬焚蕩淮河之賊
舟不可以和之一字橫于胸中二年進參知政
事三年拜左丞相兼樞密使守法度抑僥倖不
私親黨一時善類如袁甫郭磊卿程公許王萬
輩皆聚朝廷尤樂聞讜言身居台輔家若貧儒

人成其國安云云卷之六十七

十二月甲子薨于位詔以光祿大夫致仕贈少

師謚文清

以國史本傳修

咸淳臨安志卷之六十七

